



(draft)

**PLANI KOMBËTAR PËR ZHVILLIMIN E
QËNDRUESHËM TË INFRASTRUKTURËS DIGJITALE
BROADBAND 2020-2025**

PASQYRA E LËNDËS

PREZANTIMI DHE QËLLIMI I DOKUMENTIT	3
2. RËNDËSIA E INFRASTRUKTURËS BROADBAND.....	5
ÇFARË ËSHTË BROADBAND?	5
ANALIZA E SITUATËS AKTUALE.....	7
GJENDJA NË TREGUN E TELEKOMUNIKACIONEVE.....	8
VËSHTRIM I PËRGJITHSHËM	8
TREGU BROADBAND	9
KËRKESA PËR BROADBAND	11
NDARJA DIGJITALE	13
REALIZIMI I OBJEKTIVAVE DHE QËLLIMEVE SIPAS PLANIT KOMBËTAR TË BROADBAND-IT 2013.....	15
PROBLEMATIKA TË SEKTORIT DHE SFIDA TË ZHVILLIMIT BROADBAND	16
NDARJA DIGJITALE DHE NEVOJA E FINANCIMIT	17
REGULLIMI I AKSESIT DHE PËRDORIMI I PËRBASHKËT I INFRASTRUKTURËS	18
MENAXHIMI I SPEKTRIT	20
KONKURENCA E NDERSHME	21
VIZIONI DHE OBJEKTIVAT STRATEGJIKE 2020-2025.....	23
MASAT PER PERMBUSHJEN E OBJEKTIVAVE DHE PRIORITETEVE	25
PËRMIRËSIMI I ATLASIT BROADBAND	25
PERMIRËSIMI I KLIMES SE INVESTIMEVE	25
BASHKËPËRDORIMI INFRASTRUKTURËS EKZISTUESE	26
STRATEGJIA DHE IMPLEMENTIMI I 5G.....	27
RRJETET WiFi PËR PUBLIKUN	28
ADRESIMI I SIGURISË SË RRJETEVE BROADBAND	28
FORCIMI I KUADRIT INSTITUCIONAL PËR ZHVILLIMIN BROADBAND	29
RRITJA E KERKESES - PËRDORIMI I INFRASTRUKTURËS NGA	29
ZHVILLIMI I QENDRUESHËM I RRJETEVE BROADBAND DHE EKONOMIA E GJELBER	30
ZGJERIMI I BURIMEVE FINANCIARE DHE FONDEVE PËR ZHVILLIMIN E INFRASTRUKTURËS BROADBAND.....	30
RISHIKIMI I SHËRBIMIT UNIVERSAL DHE SKEMAT E FINANCIMIT	31
MENAXHIMI I SPEKTRIT	32
KONKURENCA E NDERSHME E QËNDRUESHME.....	32
ZHVILLIMET INOVATORE PER EKONOMINE DIGJITALE	33
MODELET E FINANCIMIT PËR IMPLEMENTIM.....	33
MEKANIZMAT E IMPLEMENTIMIT DHE MONITORIMI	35
KOSTOT E IMPLEMENTIMIT	36
SHTOJCAT	36

Prezantimi dhe qëllimi i dokumentit

Zhvillimi i infrastrukturës së teknologjisë së informacionit dhe komunikimit (TIK) është ndër prioritetet e qeverisë shqiptare dhe pjesë e objektivave strategjike kombëtare për zhvillimin dhe integrimin.

Qeveria e Shqipërisë, duke kuptuar rolin që TIK dhe transformimi digjital mund të luajnë në zhvillimin e mëtejshëm ekonomik dhe social të vendit, ka identifikuar disponueshmërinë e një game të gjerë shërbimesh të komunikimit dhe broadbandin si përparësi kryesore në dokumentat strategjike për zhvillimin e TIK, në Agjendën Digjitale, Programin e Reformave Ekonomike.

Qeveria Shqiptare, ka pranuar gjithashtu që për të shfrytëzuar fuqitë transformuese të TIK-ut, është thelbësore që të ketë një infrastrukturë Broadband të shpejtësisë së lartë në të gjithë vendin. Zhvillimi i infrastrukturës broadband është pjesë e projekteve kombëtare me rëndësi strategjike. Me mbështetjen e Komisionit për Zhvillim të Qëndrueshëm të Broadband të Kombeve të Bashkuara (“BBCom”), në vitin 2013, u adoptua Plani i Parë Kombëtar për Zhvillimin e Broadband, i cili siguroi një vizion, objektivat e përgjithshme përkatëse dhe qëllimet specifike për t’u arritur gjatë periudhës 2013-2020. Plani ishte reflektim i synimeve për vitin 2020 të “BBCom” dhe u modelua mbi objektivat e BE-së për Broadband për vitin 2020, duke përfshirë po pa u kufizuar në, një fokusim mbi zgjerimin e infrastrukturës edhe në zonat rurale dhe të largëta, dyfishimin e lidhjeve në familje dhe biznese deri në fund të vitit 2017, realizimin e lidhjeve 100% të shkollave, universiteteve, zyrave postare, qendrave shëndetësore, spitaleve, si dhe zgjerimin e numrit të shërbimeve elektronike për qytetarët shqiptarë si dhe digjitalizimin e të gjitha shërbimeve publike.

Që nga miratimi i këtij dokumenti, Shqipëria ka bërë progres, në përgatitjen dhe nxitjen e transformimit digjital të ekonomisë së saj, si dhe organizimin institucional dhe administrativ, duke përcaktuar kështu ambicjen e saj në “Strategjinë Agjenda Digjitale e Shqipërisë 2015-2020”, në përputhje me Rezolutën 71 të miratuar në Konferencën e të Plotfuqishmëve të ITU-së, Dubai 2018. Aspirata afatmesme e Shqipërisë, është të arrijë integrimin në tregun e vetëm të BE-së, gjë që kërkon miratimin dhe zbatimin e *Acquis Communautaire*, që kanë të bëjnë me të gjitha fushat e ekonomisë dhe shoqërisë, mundësuar përmes konvergencës së niveleve ekonomike, institucionale dhe administrative të Shqipërisë me mesataren e BE-së. Raporti i fundit i vitit 2019 i BE-së për Shqipërinë, nënvizon se Shqipëria është përgatitur në mënyrë të moderuar, në fushën e shoqërisë së informacionit dhe mediave audiovizive. Progres është bërë lidhur me implementimin e Agjendës Digjitale të Shqipërisë, Planin Kombëtar të Broadband-it dhe të shërbimeve të e-government. Fakti, që Shqipëria është në një rrugë të mirë zhvillimi, me mbi 75% të popullsisë përdorues të internetit, me më shumë se 95% të ndërmarrjeve që kanë akses në internet, gjë e cila është dhe mbi mesataren e BE-së, mbështetet dhe nga statistikat kryesore të gjetjeve të raporteve. Për më tepër, në fushën e shërbimeve të e-government e cila është një nga kërkesat më të rëndësishme të Samitit Botëror për Shoqërinë e Informacionit (WSIS), Shqipëria ka ecur shumë përpara me zhvillimin e shërbimeve elektronike. Me krijimin e portalit qeveritar e-albania.al, ka më shumë se 600 shërbime elektronike në funksion të qytetarëve, bizneseve dhe institucioneve qeveritare, dhe më shumë se 865,000 përdorues të regjistruar.

Në “Indeksin e Zhvillimit të E-Government” (“EGDI”), të Kombeve të Bashkuara për vitin 2018, Shqipëria shënoi rezultatin më të lartë mes vendeve të rajonit, në lidhje me shërbimet Online si dhe një rezultat të mirë përsa i përket Kapitalit Njerëzor. Për më tepër Raporti i Diagnostifikimit Digjital të përgatitur në kuader të Studimit të Fizibilitetit WBIF19, thekson se shërbimet e-Government, u janë mundësuar

pothuajse të gjitha Bashkive. Kjo është mbështetur nga një nivel i kënaqshëm i aftësive për TIK dhe për përdorimin e tij. Indeksi i vitit 2017 i ITU-së, për zhvillimin e TIK ("IDI"), e rendit Shqipërinë mbi nivelin mesatar të nënindekseve IDI në lidhje me aftësitë dhe përdorimin.

Megjithatë, në ditët e sotme pika më e dobët e Shqipërisë është infrastruktura e TIK, në veçanti infrastruktura Broadband (me shpejtësi të lartë), si në lidhje me disponueshmërinë, ashtu edhe me cilësinë (shpejtësisë). Në nënindeksin e IDI për akses në IDI, Shqipëria është nën mesataren botërore kryesisht për shkak të rrjeteve fikse. Ky pozicion relativisht i dobët, në lidhje me infrastrukturën, është pasqyruar në EGDI 2018, të Kombeve të Bashkuara, ku Shqipëria renditet dobët në komponentin e infrastrukturës së telekomunikacionit. Megjithëse ka një përparim në lidhje me objektivat e Planit Kombëtar të Zhvillimit të Broadband 2013 përsa i përket infrastrukturës, qëllimet e caktuara në të nuk janë arritur plotësisht. Një ndarje e konsiderueshme (digital gap) midis zonave rurale-urbane vazhdon, kryesisht për shkak të mungesës së infrastrukturës së përshtatshme për të siguruar lidhjen në këto zona.

Objektivi i këtij dokumenti është përditësimi i dokumentit të politikave për broadband. Rishikimi i Planit Kombëtar të Broadband i vitit 2013, me objektiva dhe qëllime më të qarta, në kontekstin e zhvillimeve më të fundit të tregut, si dhe të kuadrit ligjor, rregullator dhe institucional që nga viti 2013, është rekomanduar dhe në Raportin më të fundit të BE 2019 për Shqipërinë.

Për këtë qëllim, më 5 Korrik 2019 në ambjentet e MIE u mbajt një konsultim shumëpalësh, përfshirë këtu një tavolinë e rrumbullakët me aktorët e ndryshëm si dhe një pyetësor dërguar këtyre të fundit. Qëllimi ishte diskutimi për pikëpamjet dhe perspektivën nga të gjithë pjesëmarrësit në lidhje me vizionin aktual dhe të ardhshëm të Planit Kombëtar për Broadband, objektivat e përgjithshme të tij, si dhe qëllimet specifike. Gjithashtu, aktorëve ju kërkua të ndanin sfidat kryesore dhe prioritetet në lidhje me zhvillimin e infrastrukturës broadband për periudhën 2020-2025.

Ndërsa vizioni dhe shumica e objektivat e përgjithshme dhe qëllimeve aktuale të Planit Kombëtar të Zhvillimit të Broadband-it për vitin 2013 u gjetën të jenë ende koherente, analiza e përgjithshme nxorri në pah se duke pasur parasysh ndarjen digjitale të vazhdueshme, fokusi i Planit të zhvendosej drejt zgjerimit të infrastrukturës broadband me shpejtësi të lartë me kosto sa më efektive për të mbuluar të gjithë vendin, dhe në veçanti për të zhvendosur më shumë vëmendjen në mbulimin e zonave rurale dhe të largëta pa lënë jashtë vëmendjes zhvillimin e infrastrukturës broadband në zonat urbane.

Fokusi nevojitet të jetë tek identifikimi dhe futja e mekanizmave të rinj të financimit në një bazë më të gjërë palësh të interesuara duke përfshirë angazhimin e shtuar financiar nga sektori publik. Kjo zhvendosje e përqendrimit, mbështetet fuqimisht dhe nga gjetjet e studimit të fizibilitetit për zhvillimin e Broadbanit Rajonal në Raportin e Diagnostifikimit Digjital të WBIF19, i cili jep njohuri kryesore për situatën në zonat rurale dhe të largëta dhe thekson mungesën e stimujve nga operatorët e rrjetit për të investuar në këto zona. Kjo situatë është gjithashtu në përputhje me strategjinë e Komisionit Evropian për "Konektiviteti për një Shoqëri Evropiane Gigabit" dhe nismat e saj plotësuese, vecanërisht në lidhje me rregullat e reja të ndihmës shtetërore. Për rrjedhojë objektivat e përgjithshëm aktualë dhe qëllimet specifike për zhvillimin e broadband janë rishikuar duke formuluar objektiva dhe qëllime të reja, të cilat reflektojnë më shumë nevojat e tregut vendas për të ecur përpara, me një fokus të theksuar në zhvillimin e infrastrukturës broadband, duke përfshirë këtu identifikimin e masave më të efektshme për financim si dhe të aktiviteteve për zbatim.

Vlen të theksohet se dokumenti do të plotësohet me rezultatet e Studimit të Fizibilitetit të WBIF, i cili do të përfundojë gjatë pjesës së parë të vitit 2020. Studimi i Fizibilitetit të WBIF do të japë propozime të

hollësisht mbi kërkesat për ndërtimin e infrastrukturës lokale, teknologjinë e propozuar dhe nevojat për investime, kosto dhe financim si dhe modele të përshtatshme për zona të ndryshme në të gjithë vendin.

Ky dokument është përgatitur me mbështetjen e ekspertëve të ITU-së dhe ka marrë në konsideratë dhe gjetjet e studimit të fizibilitetit për zhvillimin e broadband (WBIF2019). Dokumenti është i strukturuar në disa seksione si vijon:

- **Seksioni 1**, paraqet arsyetimin për rëndësinë e infrastrukturës broadband, si parakusht dhe nxitës i transformimit digjital dhe zhvillimit ekonomik dhe social-ekonomik.
- **Seksioni 2**, ofron një përmbledhje të situatë në tregun e broadband-it, duke përfshirë një përmbledhje të progresit të bërë me synimet aktuale të Planit Kombëtar të Broadband.
- **Seksioni 3**, detajon gjetjet dhe çështjet kryesore për t'u adresuar si rezultate kyç të konsultimeve me palët e interesuara.
- **Seksioni 4**, jep Vizionin, objektivat dhe qëllimet e rishikuara të propozuara të Planit të synuara për periudhën 2020-2025.
- **Seksioni 5**, prezanton politikat dhe masat që do ndërmerren për realizimin e objektivave dhe adresimin e prioritetet kyçe për periudhën 2020-2025, si dhe përcaktimin e aktiviteteve që duhen ndërmarrë për të çuar më tej prioritetet e identifikuar.
- **Seksioni 6**, prezanton modelet e mundshme të financimit për zbatimin e planit (duke reflektuar një qasje më të përgjithshme).
- **Seksioni 7**, që përshkruan mekanizmat e zbatimit dhe monitorimit.
- **Seksioni 8**, i cili përcakton kostot e mundshme të implementimit të Planit (referuar studimit të WBIF);

RËNDËSIA E INFRASTRUKTURËS BROADBAND

Raporti më i fundit i Komisionit për Broadband të Kombeve të Bashkuara, "State of Broadband Report 2019"¹, thekson se roli i broadband-it, dhe përfitimet e lidhjes broadband, në nxitjen e progresit të një vendi kurrë nuk kanë qënë më të mëdha, më të qarta dhe të matshme se sa në erën e sotme digjitale. Ashtu siç dhe kanë vlerësuar studime të shumta si dokumenta të Komisionit Broadband, një studim i fundit nga ITU (Broadbandi dhe Transformimi Digjital), Broadband-i fiks dhe i lëvizshëm ka kontribut në rritjen e ekonomisë së një vendi, transformimin digjital dhe ndërveprimin e rregullave TIK në ekonominë kombëtare. Studimet tregojnë se një rritje prej 1% në penetrimin e broadband-it fiks, sjell një rritje prej 0.08% në PBB dhe një rritje prej 1% në penetrimin e broadband-it të lëvizshëm sjell një rritje prej 0.15 % në PBB.

Çfarë është Broadband?

Përkufizimi i Broadband-it në të gjithë vendet vazhdon të zhvillohet, teksa teknologjitë përmirësohen shfaqen gjenerata të reja të teknologjise me tel dhe pa tel duke bërë që pritshmëritë për cilësinë, ato që përbëjnë shpejtësinë minimale të shkarkimit për përvojën optimale të përdoruesit fundor të rriten. Rrjetet Broadband janë rrjete të telekomunikacionit, apo rrjetet e komunikimeve elektronike që mundësojnë komunikimin e të dhënave me


¹ https://www.itu.int/dms_pub/itu-s/opb/pol/S-POL-BROADBAND.20-2019-PDF-E.pdf

shpejtësi të lartë dhe shumë të lartë.

Megjithatë, siç dhe është përcaktuar nga Komisioni Evropian, termi “Broadband” nuk i referohet një teknologjie të veçantë që përdoret për akses në Internet, por përfaqëson një term për infrastrukturë digjitale, që lejon akses në internet të shpejtë që është gjithmonë në linjë, si dhe është më i shpejtë sesa aksesit tradicional në dial-up. Komisioni përcakton tre kategori të shpejtësisë së download si më poshtë:

- ✓ “Broadband bazë” për shpejtësi ndërmjet 144 Kbps dhe 30 Mbps;
- ✓ “Broadband i shpejtë” për shpejtësi ndërmjet 30 dhe 100 Mbps; dhe
- ✓ “Broadband ultra i shpejtë” për shpejtësi më të larta se 100 Mbps.
- ✓ Strategjia e Komisionit Evropian për “Konektiviteti për një Shoqëri Evropiane Gigabit” vendos objektivin për shpejtësi prej 1 Gigabits.

Një rrjet broadband zakonisht përbëhet nga tre element kryesorë, duke përfshirë këtu backbone ose core network, middle mile dhe last mile. Banka Botërore gjithashtu ka identifikuar një “invisible mile”², e cila përfshin përbërësit e rrjetit që nuk janë të dukshëm, përfshirë spektrin radio, databazat e rrjetit (psh, për numërimin), sigurinë kibernetike dhe kështu me rradhë, por gjithashtu mund të përfshijë edhe pengesa potenciale, si përqëndrimi i rrjetit, taksimi i shumëfishtë i aktiviteteve, mungesa e aksesit në të drejtën e kalimit dhe rregullime jo efikente që përfshijnë çështjet rregullatore ose ndërkufitare.



Burimi: Raporti Special Nr 12: Broadband në shtetet anëtare të BE-së: përveç progresit, jo të gjitha synimet e “Europa 2020” do të arrihen, European Court of Auditors³

Rrjetet Broadband janë duke u bërë pjesë integrale gjithnjë e në rritje e ekonomisë. OECD në raportin e vet final në Vitin 2015 “Adresimi i Sfidës së Taksave në Ekonominë Digjitale” shprehet se pikërisht kjo ekonomi digjitale nuk ka më kufizime. Rrjetet Broadband janë baza që mund të lehtësojë zhvillimin e sfidave të reja, mallrave dhe shërbimeve të reja e të përmirësuara, proceseve të reja, modeleve të reja të biznesit, dhe që sjell rritje në konkurrueshmërinë dhe fleksibilitetin në ekonomi. Në mënyrë të përgjithshme rrjetet broadband dhe lidhjet broadband mund të mundësojnë shkallëzimin dhe performancën e TIK (dhe teknologjive 4IR), të cilat konsiderohen të jenë teknologji me qëllime të përgjithshme (“GPT”), që ndryshojnë rrënjësisht në varësi të faktit se si dhe se ku organizohet aktiviteti ekonomik.

² Shiko: UN Broadband Commission Working Group Report 2019 “Connecting Africa Through Broadband: A strategy for doubling connectivity by 2021 and reaching universal access by 2030”

³ Shiko: <https://www.eurosai.org/en/databases/audits/Broadband-in-the-EU-Member-States-despite-progress-not-all-the-Europe-2020-targets-will-be-met/>

Broadband lehtëson zhvillimin e shpikjeve të reja, zgjidhjeve inovatore, të shërbimeve dhe mallrave të reja dhe të përmirësuara, proceseve të reja, modeleve të reja të biznesit, dhe rrit nivelin e konkurrueshmërisë dhe fleksibilitetit në ekonomi. Në mënyrë më të përgjithshme, broadband-i ofron performancë të përmirësuar të TIK-ut, dhe që konsiderohet të jetë një teknologji shumëqëllimshme, e cila në mënyrë rrënjësore ndryshon mënyrën se si dhe se ku organizohet aktiviteti ekonomik.

Teksa teknologjia zhvillohet dhe gjerësia e brezit rritet, qëllimi i broadband-it për të vepruar si një mundësues i ndryshimeve strukturore në ekonomi zgjerohet, pasi prek një numër gjithnjë në rritje të sektorëve dhe aktiviteteve. Gjithashtu, broadband njihet si një aftësues ndërsektorial duke mbështetur përpjekjet kombëtare për zhvillimin e ekonomive të dijes, nxitjen e transformimit digjital në shërbimet qeveritare dhe tranzicionin digjital nëpër të gjithë sektorët, zgjerimin e mundësive të reja për ndërmarrjet dhe sigurimin e një vlerë më të madhe për qytetarët dhe konsumatorët. Kjo është evidente në përpjekjet e ekonomive për të lidhur broadband-in me iniciativat sektoriale, përfshirë ofrimin e arsimit cilësor, promovimin e përfshirjes sociale dhe përfitimet posaçërisht në zonat rurale dhe të largëta. Efekte direkte rezultojnë nga investimet në teknologji dhe nga ndërtimi i infrastrukturës. Efekte indirekte vijnë nga ndikimi i broadband mbi faktorët që sjellin rritje si inovacioni, konkurrenca dhe globalizimi.

Si i tillë, ndikime të konsiderueshme në ekonomi mund të priten nga zhvillimi i broadband-it, duke bërë të mundur ndryshimin organizativ dhe forcimin e koordinimit për të nxjerrë fitime nga investimet e përgjithshme në TIK. Për më tepër krahasuar me teknologjitë e tjera shumëqëllimshme historike, si hekurudhat dhe elektriciteti, impakti i broadband-it dhe TIK-ut mund të jetë më i madh dhe të materializohet më shpejt sipas shkallës dhe efekteve të rrjetit.

Lidhja me internet me shpejtësi të lartë dhe të kudondodhur mundëson ekosistemet digjitale që janë komponentë të nevojshëm të programeve që synojnë zhvillim, transformimin ekonomik dhe rritjen e të ardhurave. Pra, është guri themelor dhe parakushti për transformimin digjital të ekonomisë dhe shoqërisë shqiptare dhe për këtë arsye mund të konsiderohet si një mjet thelbësor, krahas shërbimeve dhe infrastrukturave të tjera si rrugët, uji, elektriciteti dhe gazi.

ANALIZA E SITUATËS AKTUALE

Shqipëria ka ndërmarrë një numër reformash strukturore në sektorë dhe aktivitete të ndryshme ekonomike duke përfshirë (mes të tjerave) dhe sektorin e teknologjisë së informacionit dhe komunikimit. Qeveria Shqiptare prej më shumë se dhjetë vitesh nga strategjia e parë për zhvillimin e TIK, ka vazhduar promovimin e TIK, në sektorë të ndryshëm, duke prezantuar dhe implementuar strategji dhe politika të ndryshme të cilat e kanë TIK në fokusin e tyre, zhvillimin e shoqërisë së informacionit, agjendën digjitale dhe zhvillimin e Broadband-it. Për më tepër në vitet e fundit qeveria shqiptare ka investuar fort në digjitalizimin e infrastrukturës publike dhe ngritjen e sistemeve dhe shërbimeve elektronike qeveritare.

TIK dhe komunikimet elektronike luajnë një rol të rëndësishëm në Shqipëri. Kontributi total në PBB, i këtij sektori për vitin 2017 është 3%4 ndërkohë që në Bashkimin Evropian, vlera e shtuar e sektorit TIK

⁴Shiko: https://ec.europa.eu/eurostat/statistics-explained/index.php/ICT_sector_-_value_added,_employment_and_R%26D


në vitin 2016 është 3.75% e PBB, e cila renditet pas Japonisë (5.4 %), SHBA-së (5.3 %) dhe Kinës (4.7 %) në 2014. Tregu i komunikimeve elektronike në Shqipëri ka kontribuar respektivisht me 2.45% në PBB.

Gjendja në tregun e telekomunikacioneve

Vështrim i përgjithshëm

Tregu shqiptar i telekomunikacionit i është nënshtruar zhvillimeve të rëndësishme gjatë viteve të fundit dhe ka qënë një treg komplet i hapur për konkurrencën që nga viti 2008, me miratimin e Ligjit Nr. 9918, “Për komunikimet elektronike në Republikën e Shqipërisë”. Kompanitë kryesore janë Vodafone Albania, Telekom Albania dhe ALBtelecom. Të ardhurat totale të tregut në vitin 2018 ishin 320.6 milionë USD. Të ardhurat kanë qënë të qëndrueshme për periudhën 2014-2016 dhe u pakësuan me 13% në 2017 në 326.6 milionë USD. Me kalimin e kohës të ardhurat ranë me më shumë se 40% gjatë periudhës 2008-2018. Të ardhurat nga telefonia mobile dhe fikse në vitin 2018 u ndanë në 80% : 20%. Tarifat për shërbimet telefonike dhe aksesin broadband në internet nga rrjetet fikse dhe të lëvizshme janë në nivele të përballueshme për familjet me një nivel mesatar të ardhurash dhe tregu mundëson tarifa të ulëta që janë gjithashtu të arsyeshme për familjet me të ardhura të pakta.

Figura 1. Të ardhurat nga rrjetet mobile dhe fiks përgjatë 2008-2018




Burimi: AKEP

Tendencat e zhvillimit të tregut të telekomunikacionit në Shqipëri janë në përputhje me zhvillimet në rajon, me rënie në depërtimin e telefonisë fikse teksa pajtimtarët lëvizin duke kaluar në rrjetin celular, dhe me përpjekjet e vazhdueshme për të përmirësuar disponueshmërinë e broadband-it dhe kushtet e aksesit. Përsa i përket përdorimit TIK, 75.6% e shqiptarëve përdorin Internetin, 102% janë përdorues aktivë të shërbimeve telefonike dhe mbi 50% e familjeve kanë akses në Internet fiks.

Megjithatë shpejtësitë e lidhjes broadband sipas raporteve të AKEP dhe rezultateve të Studimit të Fizibilitetit për zhvillimin e broadbandit rajonal janë ende të ulëta: gjerësia e bandës ekzistuese në rrjetet fikse dhe celulare është më pak se 30 Mbps.

Figura 2: Statistikat kryesore të TIK



Burimi: Imme Philbek, bazuar në statistikat e ITU, AKEP, UN Population Division, WBIF

Tregu Broadband


Tregu broadband është një nga tregjet më vibrante në sektorin e telekomunikacionit në Shqipëri, me më shumë se 150 ISP dhe tre operatorë të rrjeteve celulare që ofrojnë shërbime celulare dhe mobile broadband. Broadband aktualisht furnizohet përmes teknologjive të ndryshme fikse dhe mobile duke përfshirë DSL, FTTH/FTTB, FTTx në kombinim me NGA. Pjesa më e madhe e linjave DSL kombinohen me fibër optike dhe rrjete bakri (FTTN /FTTB). Për Broadband gjithashtu përdoren linja koaksiale (HFC) dhe linja elektrike (BPL). Në terma të teknologjive mobile, broadband-i furnizohet nëpërmjet 3G/HSPA/HSPA+ dhe rrjeteve 4G/LTE, si dhe nëpërmjet satelitit dhe teknologjive WiMax.

Operatorët kryesorë të broadbandit fiks janë ALBtelecom me 36% të tregut, dhe Abcom me 18%, ASC/Tring me 14%, si dhe Abissnet me 10%.⁵ Pjesa e mbetur e tregut ndahet në operatorë alternative që ofrojnë internet broadband bazuar në rrjetet fikse. Në lidhje me infrastrukturën backbone me fibër optike janë dy kompani kryesore Albtelecom dhe ATU. Penetrimi i broadbandit fiks si për popullsi dhe për familje sikurse jepet në figurën e mëposhtme është rritur më shumë se dyherë në periudhën 2013-2020.

Megjithatë depërtimi i rrjeteve fikse broadband mbetet mjaft poshtë nivelit të mesatares së BE-së dhe niveleve të tjera të penetrimit të vendeve fqinje, megjithëse ka rritje të qëndrueshme çdo vit me 10%-15%.

⁵ Pjesa e mbetur e tregut prej 22% ndahet ndërmjet operatorëve të tjerë, përfshirë Bleta shpk, Digicom dhe Nisatel. Katër operatorët kryesorë ALBtelecom, Abcom, Abissnet dhe ASC / Tring kanë një peshë totale të tregut prej 78%.

Figura 3: Penetrimi në broadband fiks për popullsi dhe familje 2013-2019



Burimi: AKEP

Në lidhje me broadband-in mobile ekzistojnë tre operatorë kryesorë, përkatësisht Vodafone, Telekom Albania dhe ALBtelecom të cilët ofrojnë shërbime 3G dhe 4G. Shërbimet 4G u bënë publike në Korrik-Shtator 2015, duke përdorur bandën e frekuencës 1800MHz, dhe duke mbuluar 65% deri në 85% të popullsisë, ndersa mbulimi i territorit mpe 4G është më i ulët ndërmjet 21% dhe 55.6%. Bazuar në gjetjet e Studimit të Fizibilitetit të WBIF19, mbulimi 4G është kryesisht i përqëndruar në zonat urbane. Në total 63% e shqiptarëve përdorin broadband-in mobile.

Figura 4: Mbulimi i territorit dhe popullsisë me 2G, 3G, dhe 4G në vitin 2018

	Telekom Albania	Vodafone Albania	Albtelecom		Telekom Albania	Vodafone Albania	Albtelecom
Mbulimi Teritorit (%)				Mbulimi Popullsisë (%)			
GSM	92.50	96.40	93.80	GSM	99.80	99.86	99.40
3G	88.00	89.00	86.80	3G	96.50	99.20	90.40
4G	55.60	35.00	21.20	4G	85.30	70.70	65.00

Burimi: AKEP

Përsa i përket shpejtësisë së aksesit/cilësisë së shërbimit mbetet hapësirë për përmirësim. Teknologjia kryesore që përdoret për përhapjen e lidhjeve fikse të broadband-it është ende nëpërmjet DSL (55%, që përbëhet nga 46% lidhje DSL-FTTN/FTTC dhe 9% të DSL 100% linja bakri). Vetëm 23% e lidhjeve broadband shpërndahen nëpërmjet FTTH/B, 18% me kabëll (prej të cilëve 14% janë Kabëll DOC SOS 3.0)

dhe 4% përdorin teknologji të tjera. Në total janë 66% abonentë NGA, që janë kryesisht FTTN/C.⁶ Në lidhje me broadband-in fiks sipas shpejtësisë së shkarkimit, në vitin 2018, 62% e abonentëve kishin shpejtësinë 4 -10 Mbps, 24% shpejtësinë 10-30 Mbps (54,000 në 2017 dhe 89,000 në 2018), dhe 12% të pajtimtarëve ishin ende nën 4Mbps. Në lidhje me broadbandin e shpejtë dhe ultra të shpejtë mbi 30 Mbps, megjithëse abonimet u dyfishuan në vitin 2017, përqindja totale është ende e ulët, vetëm 2%.

Gjatë vitit 2019 ka një rritje të numrit të pajtimtarëve të lidhur me shpejtësi mbi 10Mbps duke u dyfishuar në periudhën 2017-2019. Në dallim nga situata e vitit 2013, ku shpejtësia e lidhjes për shumicën e pajtimtarëve ishte deri në 2Mbps, në fund të vitit 2019 kemi vetëm 1% të totalit të lidhjeve me shpejtësi deri në 2Mbps. 57% e pajtimtarëve me lidhje fikse broadband janë me shpejtësi 2-10 Mbps dhe 41% e tyre me shpejtësi mbi 10Mbps. Ndërkoh me shpejtësi 100 Mbps apo më të madhe kemi vetëm një numër të vogël pajtimtarësh.

Nga analizat e bëra, vlerësohet se aksesin në mobile broadband është i përballeshëm. Bazuar në të dhënat e ITU për tarifën, për aksesin në internet për numrat me parapagesë dhe me kontratë, Shqipëria sipas raportit të vitit 2016 të ITU renditet mirë. Ky raport i konsideron tarifën e aksesit të broadband-it në Shqipëri si të përballeshme me 1.18% të GNI. Në përgjithësi, ndërmjet viteve 2008-2015, shpenzimet mesatare mujore për broadband kanë rënë me 80%, nga 32 USD në 2008 në 6.3 USD në 2015.⁷ Në lidhje me gatishmërinë për të paguar, Raporti i WBIF 2019 për Diagnostifikimin Digjital, zbulon se çmimi mesatar i paguar për shërbimet e telefonisë celulare është 10 Euro ose 1200 Lekë dhe çmimi mesatar i paguar për shërbimet e telefonisë fikse është 2000 lekë. Tarifat midis 2000-2500 lekë për 30 Mbps konsiderohen si një çmim i përballeshëm. Shërbimet me shpejtësi 50 Mbps ose më të lartë ende nuk konsiderohen si të kërkuara për jetën e përditshme të qytetarëve. Megjithatë niveli i përballeshmërisë nuk është e njëjtë për zona të ndryshme në veçanti në zonat rurale.

Kërkesa për Broadband

Zhvillimet e shërbimeve elektronike

Përsa i përket kërkesës dhe stimulimit të kërkesës për broadband që nga miratimi i dokumentit të parë për Planin Kombëtar të Broadband-it në vitin 2013 është bërë një progres domethënës. Si një palë kryesore për zhvillimin e broadband-in, qeveria shqiptare ka bërë përpjekje konkrete për të stimuluar kërkesën për shërbime TIK (1) duke vepruar vetë si një konsumator i rëndësishëm i shërbimeve digjitale, duke blerë një sërë shërbimesh për infrastrukturën e rrjetit të saj e-government nëpërmjet AKSHI-t, (2) duke krijuar shërbime TIK të centralizuara për institucionet qeveritare (si lidhje interneti nëpërmjet broadband-it, shërbimet email, shërbimet web- dhe hosting, databazat MIS, dhe e-shërbimet); dhe (3) duke ofruar shërbime elektronike qytetarët, bizneset dhe vetë administratën.

Në vitin 2015 u krijua portali e-Albania⁸, i cili shërben si një platformë one-stop-shop për shërbimet elektronike të të gjitha institucioneve qeveritare, agjencive dhe autoriteteve. Pothuajse 600 shërbime

⁶ Përzjerja e teknologjisë krahasohet mjaft mirë me shifrat e BE-së (2015), ku broadband jepet përmes 69% të lidhjeve DSL / VDSL, dhe Kablove 19% (nga të cilat 80% u shpërnda përmes Cable DOC SIS 3.0). Sa i përket aksesit NGA në BE, 35% e abonentëve broadband janë shpërndarë duke përdorur VDSL, FTTH / B dhe Cable DOC SIS 3.0.


⁷ Shiko: Raportin e Sofrecom 2016, fq.19

⁸Portali qeveritar e-albania.al është zhvilluar dhe administruar nga Agjencia Kombëtare e Shoqërisë së Informacionit (AKSHI) si një portal shumëfunksional, dhe konsiderohet si një one stop shop. Ofron shërbime 24 orë, 7 ditë në javë. Portali filloi si një investim i Bashkimit Evropian në 2009. Në fazën e hershme, ishte shumë i thjeshtë, përfshinte 6 shërbime elektronike dhe 4 sisteme të lidhura me Platformën e Ndërveprimit të Qeverisë. Portali është i lidhur me Platformën Qeveritare të Ndërveprimit,

elektronike gjenden sot në portal, dhe 49 sisteme elektronike janë të lidhura me Platformën Qeveritare të Ndërveprimit, nëpërmjet të cilës nga fundi i vitit 2018, janë kryer më shumë se 51 milionë transaksione. Portali e-albania, numëron më shumë se 865,000 përdorues të regjistruar në vitin 2019.

Shërbimet e-Government gjenden në pothuajse të gjitha 61 bashkitë e Shqipërisë, dhe numri i qytetarëve dhe bizneseve që po përdorin shërbimet që ofron portali⁹, të cilat janë të aksesueshme dhe nëpërmjet telefonit celular, po vjen gjithnjë e në rritje. Çdo muaj në portalin e-Albania, numërohen rreth 550,000 përdorime të shërbimeve elektronike, me 9 milionë përdorime në periudhën Shtator 2017 - Qershor 2019. Shërbimet përfshijnë çertifikata personale, karta shëndeti, aplikime për leje ndërtimi, aplikime për pasaportë ose kartë identiteti, dhe shumë të tjera.

Figura 5: Përdoruesit e rinj për periudhën 2013-2018 dhe ndërfaqja e re e portalit e-Albania



Burimi: AKSHI, <https://e-albania.al/>

Përdorimi i TIK nga biznesi


Në lidhje me përdorimin TIK në ndërmarrjet private, anketimet nga Instituti i Statistikave (INSTAT), tregojnë se në vitin 2018 në 11 aktiviteteve ekonomike, më shumë se 95% e ndërmarrjeve të të tre klasave të madhësive të anketuara kishin akses në internet (përfshirë këtu 6 aktivitete ekonomike me 100% akses në internet).

Numri i ndërmarrjeve me lidhje në Internet, u rrit nga 88.4% në 2017 në më shumë se 95% në 2018. Lidhjet e internetit mundësohen kryesisht nëpërmjet DSL në pjesën më të madhe të lidhjeve (72.7%) me një maksimum shpejtësie shkarkimi ndërmjet 2Mbits/s - <30 Mbits/s. Numri i ndërmarrjeve me një shpejtësi shkarkimi më të lartë se 10 Mbit/s ishte 56.3 % in 2018, nga 45.8 % në vitin 2017.

e cila është arkitektura themelore që kombinon pajisjet, programet kompjuterike dhe shërbimet që mundësojnë bashkëveprimin midis të gjitha sistemeve të lidhura të institucioneve qeveritare.

⁹ Sidoqoftë, duhet të theksohet se në një numër bashkish nuk kanë gjerësi brezi të mjaftueshme për shërbimet e ofruara, dhe one-stop-shop nuk janë funksionale në shumë NjQV. Në shumë NjQV kanë mungesë në pajisje dhe ekspertizë në TIK.

Figura 6: Ndërmarrjet, sipas klasës së madhësisë, me qasje në internet (në të majtë) dhe shpejtësia maksimale e mundshme e shkarkimit (në të djathtë)



Burimi: Instituti i Statistikave, 2018

Në lidhje me përdorimin e broadband nga qytetarët, Shqipëria ka bërë përpertime të mëdha në penetrimin dhe përdorimin e Internetit. Sipas vërtetimit të INSTAT të vitit 2019, për përdorimin e TIK nga individët dhe familjet rezultoi se në shkallë vendi 82.2% e famijëve shqiptarë kanë akses në internet. Me shume se 56.6% e tyre kanë lidhje fikse broadband, dhe 88.9% e famijëve kanë akses interneti nga celulari. 87.1% e shqiptarëve e përdorin Internetin rregullisht për qëllime të ndryshme, përfshirë këtu, median sociale, blerjet online, dhe shërbimet financiare digjitale, duke rritur gjithashtu përfshirjen në sektorin publik nëpërmjet shërbimeve elektronike (e-services). Sipas statistikave ka në total 1.5 milionë përdorues aktivë të mediave sociale (ose 51% e popullsisë). Numri i përdoruesve të mediave sociale, që aksesojnë internetin nëpërmjet celularit të tyre është 1.3 milionë ose 44% e popullsisë. Numri total i përdoruesve aktivë mujorë të Facebook është 1.3 milionë, nga të cilët 87% e aksesojnë Facebook nëpërmjet telefonëve të tyre celularë.

Për më tepër, trafiku total i internetit në rrjetet fikse dhe celulare është rritur me disa herë në vitet e fundit. Trafiku i Internetit në rrjetet fikse është dyfishuar në vitin 2019 kundrejt vitit 2018 po ashtu trafiku i komunikimit të të dhënave në rrjetet celulare vijon të rritet. Me transformimin digjital të të gjithë sektorëve ekonomikë, zhvillimin e industrisë vertikale, zgjidhjeve inovatore smart cities, digjitalizimin e SME-ve, kërkesa për broadband, në veçanti për broadband-in fikse, pritet që të vijë nga sektorë të ndryshëm ekonomikë dhe zhvillimet në biznes (B2B) do të jetë një nga nxitësit kryesorë të kërkesës.


Ndarja digjitale

Infrastruktura TIK në qendrat urbane është relativisht e zhvilluar mirë. Megjithatë ekziston një hendek ndërmjet zonave urbane dhe rurale: teksa zonat rurale përfaqësojnë 39.7% të popullsisë, vetëm 3.4% e popullsisë që banon në këto zona është e lidhur me Internet¹⁰, ndonëse në disa zona, kjo shifër është më e lartë. Veçanërisht e theksuar është ndarja urban-rurale për penetrimin e internetit fikse. Teksa 12% e popullsisë urbane kanë akses broadband në internetin fikse, në zonat rurale kjo shifër është vetëm 2%. Në nivel rajonal, kjo ndryshon në mënyrë të konsiderueshme.

¹⁰ Shiko: <https://ec.europa.eu/neighbourhood-enlargement/sites/near/files/20180417-albania-report.pdf>. Duhet të theksohet se mungesa e lidhjes rurale e ka nxitur qeverinë të përqëndrohet në zhvillimin e broadband-it rural në veçanti, përsëmbull me Vendimin e AKEP Nr. 2648 të vitit, i cili miraton zona me dendësi të ulët të popullsisë për të zgjeruar dhe përmirësuar shërbimet e broadband-it.

Bazuar në totalin e popullsisë sipas qarqeve për vitin 2019, del që zona me nivelin më të lartë të penetrimit për popullsi është Tirana me 22%. Të gjithë qarqet kanë një penetrim rural nën 5% (e llogaritur kjo si përqindja e numrit të lidhjeve fikse në zonat rurale kundrejt numrit total të lidhjeve për secilin qark).

Figura 7: Totali i penetrimit fiks, urban dhe rural, i internetit sipas qarqeve, për vitin 2019



Burimi: AKEP numri lidhjeve fikse broadband sipas qarqeve 2019, si dhe INSTAT për popullsisë rajonale, Janar 2019

ITU e ka identifikuar mungesën e konkutivitetit rural, si “një nga boshllëqet më të mëdha” që pengon zhvillimin në vend.¹¹ Shifrat për linjat fikse rurale dhe urbane të AKEP për vitin 2019 tregojnë që 50% e të gjithë linjave fikse janë në qarkun e Tiranës, mesatarja e penetrimit urban qëndron tek 25%, kurse mesatarja e penetrimit rural qëndron rreth 5%.

Bazuar në rezultatet e studimit të fizibilitetit, në lidhje me shpërndarjen e lidhjeve fikse broadband në vitin 2019, gati 90% e totalit të lidhjeve fikse janë në zonat urbane dhe 10% në zonat rurale. Ndarja digjitale midis zonave urbane dhe rurale mbetet e lartë.

Arsyet kryesore për ndarjen digjitale, janë mungesa e infrastrukturës dhe e kapaciteteve institucionale, por gjithashtu përballueshmëria, për të dyja llojet e aksesëve, si për broadband-in fikse, ashtu edhe atë mobile në vecanti në zonat rurale dhe në ato me pak të ardhura. Teksa, në zonat urbane, ka një gamë të gjërë shpejtësish me ofertë, me një gamë të gjerë çmimesh me një përballueshmëri ndërmjet 2-4% të PBB për frymë, në zonat rurale përqindja e shpenzuar e PBB për frymë për shpejtësitë mbi 16 Mbps mund të shkojë deri në 27%.¹²

¹¹ Shiko: ITU (2016), *ICT Centric Innovation Ecosystem Country Review Albania*, <https://www.itu.int/en/ITU-D/Innovation/Documents/Albania%20Country%20Review%20Innovation%20June%202016.pdf>

¹² Shiko: Studimin e Sofrecom fq. 56

Raporti Diagnostifikues Digjital 2019 i WBIF19, jep njohuri më të detajuara për Ndarjen Digjitale sipas qarqeve gjithashtu raporti identifikon zonat rurale ku ka vetëm një ose asnjë operator, kurse në zonat urbane ose nën urbane ka konkurrencë ndërmjet operatorëve lokalë dhe së paku një operator kombëtar.

Në terma të investimit të rrjetit, pjesa më e madhe e operatorëve lokale investojnë në qytete dhe zona turistike, në rrjetet me fibër, kurse operatorët kombëtarë investojnë kryesisht në qendrat e qyteteve. Ka një mungesë investimi në zonat rurale si shkak i mungesës ose përfitimeve të ulëta nga investimet.

Në qytetet e vogla, teknologjia e bakrit është ende zgjidhja kryesore për shërbimet e internetit, e megjithatë nga operatorët nuk janë parashikuar investime të mëtejshme në këtë teknologji. Në ndryshim nga kjo, në shumë zona rurale përdoret teknologjia pa tel (WIFI). Kabllot ajrore gjenden në pjesën më të madhe të qyteteve dhe të fshatrave. Sa i takon infrastrukturës mobile 4G, ajo është prezente në qytetet, por jo në të gjitha zonat rurale.

Megjithatë konkurrenca është më e fortë në tregun celular, me të tre operatorët që janë prezent në pjesën më të madhe të zonave. Në lidhje me cilësinë e shërbimit, ai është relativisht i mirë në qytete, kurse në zonat rurale dhe periferike cilësia e shërbimit është e dobët dhe ka nevojë për përmirësime për t'u mundësuar p.sh. bashkive të ofrojnë shërbime digjitale për qytetarët e tyre. Shërbimet One-Stop-Shop, nuk janë funksionale në disa njësi të qeverisjes vendore, shkollat dhe spitalet janë në përgjithësi të lidhur me Internet, megjithatë shpejtësia ka nevojë për përmirësim. Në zonat të thella rurale dhe të largëta nuk ofrohet fare lidhje.

Realizimi i objektivave dhe qëllimeve sipas Planit Kombëtar të Broadband-it 2013

Në një vështrim të përgjithshëm të progresit, lidhur me objektivat e përgjithshme dhe qëllimet e Planit Kombëtar të Broadbandit në periudhën 2013-2020 rezulton se ka realizim të objektivave në lidhje me:

- Përmirësimin dhe zhvillimin e mëtejshëm të broadband
- Rritjen e penetrimit broadband me më shumë se dy herë
- Rritja e konkurrencës dhe çmime më të ulta të aksesit broadband
- Shtimin e numrit të e-shërbimeve të disponueshme për shtetasit shqiptarë dhe digjitalizimin e të gjitha shërbimeve
- Rritjen e ndërgjegjësimin të shoqërisë lidhur me përfitimet që dalin nga përdorimi i broadbandit
- Kemi dyfishimi i numrit të familjeve dhe kompanive që kanë akses në broadband

Ndërkohë mbeten të realizuara pjesërisht ose janë në proces realizimi i objektivave të tjera si lidhja me internet broadband me shpejtësi të lartë e shkollave, Internet broadband në çdo klasë, ofrimi i shërbimit të internetit nga zyrat postare ka funksionuar për një periudhë kohe, lehtësimi i aksesit me 100Mbits për 50% e familjeve apo 30 Mbits për të gjithë etj. Për përmbushjen e këtyre objektivave është iniciuar dhe ka filluar me mbështetjen e WBIF, Projekti për Zhvillimin e Broadbandit Rajonal.

Lidhur me çështjet teknike dhe rregullatore, sa i takon implementimit të Planit 2013-2020, ka pasur një numër të konsiderueshëm zhvillimesh rregullatore dhe ligjore që kanë nxitur zhvillimin e infrastrukturës Broadband. Zhvillimi kryesor ligjor është miratimi i ligjit nr. 120/2016 "Për zhvillimin e rrjeteve të komunikimeve elektronike të shpejtësisë së lartë dhe sigurimin e së drejtës së kalimit", që shënon fillimin e një reforme në zhvillimin e infrastrukturës broadband. Megjithatë zbatimi i këtij ligji është ende në fillim dhe paketa e akteve nënligjore për implementimin e tij pritet të plotësohet. Nga AKEP janë ndërmarrë disa aktivitete që përfshijnë alokimet e spektritë frekuencave për mobile broadband, heqjen e

kufizimeve teknologjike në përdorimin e spektrit, krijimin e atlasit për infrastrukturën e telekomunikacioneve, si dhe janë marrë disa vendime e masa rregullatore të cilat në mënyrë direkte ose indirekte lidhen me zhvillimin e broadband si masat për përdorimin e përbashkët të infrastrukturës, analizat e rregullimit të tregjeve, rishikim të MTR-ve, heqjen e kufizimeve në përdorimin e spektrit, masa për të avancuar sigurimin e broadband në zonat rurale dhe ato të largëta, si dhe masa të marra në fushën e roaming-ut ndërkombëtar.

Për një periudhë të shkurtër 2015-2017, u krijua fondi Shqipëria digjitale, për të mbështetur projektet e zhvillimit të infrastrukturës rurale dhe rajonale, TIK, e-keqerisja, e-learning etj. Megjithatë fokusi i zhvillimeve në lidhje me TIK ka qenë digjitalizimi i infrastrukturës së administratës publike dhe shërbimet elektronike.

Mbi bazën e Urdhërit të Kryeministrit Nr. 157, datë 22.10.2018 “Për marrjen e masave për zbatimin e qasjes së gjërë sektoriale/ndërsektoriale, si dhe ngritjen dhe funksionimin e mekanizmit sektorial/ndërsektorial të integruar” i cili krijoi Grupet e Menaxhimit të Integruar të Programeve (“GMIP”) dhe Komitetet Drejtuese Strategjike për të promovuar bashkëpunimin ndërmjet institucioneve, agjencive të ndryshme qeveritare si edhe politikave dhe aktivitetet korresponduese është krijuar grupi tematik për telekomunikacionin dhe broadband, si pjesë e Komitetit Drejtues Strategjik “Ndërlidhja”, që drejtohet nga Ministria e Infrastrukturës dhe Energjisë.

Nga viti 2016, zhvillimi i broadband është pjesë e projekteve kombëtare të rëndësisë strategjike (National Single Pipeline). Një listë me zhvillimet kryesore ligjore e rregullatore si dhe Tabela me një përmbledhje të objektivave dhe qëllimeve të përgjithshme siç parashikohen në Planin Kombëtar të Broadband 2013 dhe realizimi i tyre jepet në shtojcën bashkëlidhur.

Situata e përgjithshme e zhvillimit të broadband në veçanti e rrjeteve fikse dhe ndarja e theksuar digjitale midis zonave urbane dhe rurale tregon nevojën e lartë për investime të rëndësishme për zhvillimin e infrastrukturës digjitale broadband dhe se investimi vetëm nga sektori privat në zhvillimin e rrjeteve në veçanti në zonat rurale dhe të largëta është i pamjaftueshëm.

PROBLEMATIKA TË SEKTORIT DHE SFIDA TË ZHVILLIMIT BROADBAND

Ky seksion përmbledh problemet dhe sfidat kryesore të përceptuara nga palët e interesuara, në lidhje me zhvillimin e infrastrukturës Broadband.

Në kuadër të hartimit të këtij dokumenti, operatorët e telekomunikacionit shprehën se për zgjerimin dhe zhvillimin e mëtejshëm të rrjeteve broadband në Shqipëri, hasen me vështirësitë në marrjen e lejeve të ndërtimit, paqartësitë në legjislacionin dhe rregulloret ekzistuese lidhur me të drejtën e kalimit, vonesat në zbatimin e aktiviteteve dhe masave ekzistuese, të parashikuara në vendimet dhe ligjet e miratuara, konkurrenca e padrejtë nga ISP e palicensuara, moskthim të kostos së investimit në zonat rurale dhe të largëta, mbështetja vetëm në sektorin privat për të investuar në infrastrukturë, mungesa e mekanizmave mbështetës me financime publike, të tilla si ndihma shtetërore ose fondi i shërbimit universal, disponueshmëria e kufizuar e spektrit për shkak të vonesës në lirin e dividendit digjital, si dhe tarifave të larta të spektrit për disa breza.

Problematikat kryesore të ngritura nga sektori grupohen në temat e mëposhtme:

- Ndarja digjitale (Digital Gap) dhe financimi për zhvillimin e infrastrukturës broadband;
- E drejta e aksesit dhe bashkëpërdorimi i infrastrukturës ekzistuese;
- Menaxhimi i spektrit dhe,
- Konkurrenca e ndershme.

Ndarja digjitale dhe nevoja e financimit

Mungesa e ndërlidhjes rurale, është identifikuar nga Bashkimi Ndërkombëtar i Telekomunikacionit si “një nga boshllëqet më të mëdha” që pengon zhvillimin e vendit. Shqipëria ka bërë progres në zgjerimin e penetrimit broadband dhe të infrastrukturës broadband-it. Megjithatë, ndarja digjitale rural-urbane vazhdon të jetë e konsiderueshme. Ndonëse janë ndërmarrë një numër aktivitesh¹³ të cilat adresojnë zgjerimin apo ndërtimin e infrastrukturës në zonat rurale dhe të largëta, pak progres është arritur deri më sot.

Një çështje kryesore e identifikuar gjatë takimeve dhe konsultimeve me grupet e interesit, e cila zvogëlon zhvillimin e infrastrukturës broadband, në veçanti në zonat rurale dhe të largëta, është mungesa e mekanizmave financues për infrastrukturën broadband, si dhe mungesa e stimuljeve të duhur për të investuar. Momentalisht, për ndërtimin e infrastrukturës Broadband, nuk ekziston një fond për Shërbimin Universal dhe një mekanizëm për kontribut me fonde publike, nuk është dhënë/zbatuar ndihma shtetërore për broadband dhe nuk ka buxhet publik të përcaktuar në nivel kombëtar ose vendor për ndërtimin e infrastrukturës broadband. Sigurimi dhe ndërtimi i infrastrukturës broadband ka qenë e varur pothuajse vetëm nga investimet e sektorit privat, operatorëve të rrjetit të telekomunikacionit. Shtrirja e infrastrukturës së telekomunikacionit është e kushtueshme, veçanërisht në ato zona ku ka shumë pak ose aspak infrastrukturë të mëparshme, dhe ku densiteti i popullsisë është i ulët dhe ku aksesit për shkak të vështirësive gjeografike është tepër i vështirë.

Në këto zona, nga ana e operatorëve ka pak ose aspak nxitje nga ana e operatorëve për të investuar në infrastrukturë, duke qenë se tarifat mesatare janë të ulta (shiko Raportin Botëror të Teknologjisë së Informacionit WEF 2016 dhe studimin Sofrecom 2017) dhe një kthim të pritur në investim të ulët, për shkak të dhënave kryesore demografike të popullsisë si: të ardhura të ulëta dhe aftësi për të paguar e ulët. Në lidhje me këtë, një pengesë e përmendur nga palët e interesit të industrisë, për të arritur një shoqëri digjitale, ka lidhje me faktin që rrjetet e aksesit NGA të disponueshme, nuk janë përdorur plotësisht. Në qytetet e mëdha, ku praktikisht ka rrjete të shpejtësisë së lartë, mbulimi dhe shpejtësia janë mbeten shumë të ulëta.

Kjo ndodh kryesisht për shkak të mosgatishmërisë ose paaftësisë së pajtimtarëve për të përmirësuar dhe paguar për shërbime të një cilësie më të lartë, duke cuar kështu në një përdorim jo efektiv të aksesit në infrastrukturën e gatshme të gjeneratës së re (NGA). Për më tepër cilësia e shërbimit nuk është vetëm e

¹³Për të adresuar këtë ndarje, AKEP, me bashkëpunimin e MNO-ve, miratoi Vendimin Nr.2648, datë 03.12.2015, i cili miraton zonat me densitet të ulët të popullsisë që kërkojnë përmirësim të mbulimit broadband mobile dhe Cilësinë e Shërbimit për Telekom Albania, Vodafone Albania dhe Albtelecom. AKEP ka bashkëpunuar me autoritetet e pushtetit vendor për të siguruar lejet e ndërtimit për MNO-të, dhe një MNO tashmë ka bërë investimin përkatës në një nga zonat e përcaktuara. Vendimet për të ofruar shërbime broadband në zona të tilla janë marrë në bazë të Vendimit të Këshillit të Ministrave nr. 300 (heqja e kufizimeve për teknologjinë dhe shërbimet) dhe në kuadër të veprimeve sipas "Planit për Shërbimin Universal në fushën e komunikimeve elektronike" 2013-2016".

varfër në zonat rurale dhe të largëta, por është një çështje e rëndësishme edhe në qytetet e mëdha. Shkak për këtë është mbizotërimi i kabllove ajrorë, të cilët janë të ndjeshëm ndaj dëmtimeve.

Gjithësesi, përmirësimi dhe zhvillimi i aksesit dhe ndërlidhjes broadband mund të kontribuojë në përmirësimin e variablave demografike duke ofruar mundësi dhe akses si p.sh. në edukim, shërbime tregtare dhe publike dhe punësim. Për më tepër, siç tregohet në studimin Sofrecom 2017, në zonat rurale dhe të largëta ka një kërkesë në rritje, veçanërisht nga njerëzit në katër rajone të studiuara (Shkodër, Kukës, Dibër dhe Korçë) të cilët presin përmirësimin e lidhjes dhe janë të gatshëm të shpenzojnë një tarifë mujore shtesë (edhe pse të ulët) për të patur akses në aplikacionet dhe shërbimet që atyre iu nevojiten, përfshirë këtu aplikacionet personale, VoIP, aplikacionet e biznesit, e-shëndetësia, e-qeverisja, edukim, siguria publike, tregtia elektronike dhe turizmi ¹⁴.

Në mënyrë që të sigurohet që kërkesa në rritje në zonat rurale dhe të largëta të përmbushet nga një furnizim në rritje dhe i përmirësuar, duhet të realizohet kuadri i duhur ligjor dhe rregullator për nevojat për investime, duhet të rritet bashkëpunimi në të gjitha nivelet që promovojnë investimet në infrastrukturën digjitale dhe më e rëndësishmja, siç parashikohet edhe nga BE me anë të Udhëzimeve të reja për Ndhmën Shtetërore, duhet të krijohet një kuadër dhe mekanizëm për financimin publik.

Rregullimi i aksesit dhe përdorimi i përbashkët i infrastrukturës

Çështja e dytë e identifikuar, që pengon progresin në ndërtimin e infrastrukturës dhe përmirësimin e saj, është procesi aktual i marrjes së lejeve të ndërtimit dhe marrjes së aksesit në bashkëpërdorimin e infrastrukturës ekzistuese dhe alternative. Pothuajse të gjithë grupet e interesit shprehën vështirësitë dhe kompleksitetin në procesin e marrjes së lejeve të ndërtimit, marrjes së aksesit në bashkëpërdorimin e infrastrukturës ekzistuese dhe të zgjidhjes së mosmarrveshjeve për pronësinë e tokës.

Grupet e interesit vunë theksin të fakti që implementimi dhe veçanërisht zbatimi i saktë i masave, ligjeve e vendimeve dhe aktiviteteve që lidhen me to nuk është ndërmarrë siç duhet. Për shëmbull, mund të bëhet inventari i infrastrukturës ekzistuese pasive të bashkive për ripërdorim për broadband. Është akoma e paqartë nëse VKM Nr. 851 datë 7.12.2016 për transferimin e të dhënave mbi zgjerimin e rrjetit e infrastrukturës inxhinierike të bashkive është implementuar në mënyrën e duhur. Vendimi urdhëron institucionet përgjegjëse për infrastrukturën rrugore, ndërmarrjet e furnizimit me ujë dhe kanalizime, OSHEE sh.a, OST sh.a dhe kompani të tjera që operojnë në fushën e ujësjellës kanalizimeve dhe rrjetit energjitik, që të dorëzojnë tek bashkitë përgjegjëse gjithë të dhënat dhe materialet kartografike rreth shtrirjes dhe kapaciteteve të rrjeteve dhe linjave të infrastrukturës dhe të njoftojnë bashkitë nëse ka ndryshime në këto rrjete. Për rrjedhojë, paketa e akteve zbatuese të Ligjit të ri Nr. 120/2016 duhet të zbatohet e plotësohet me të gjithë aktorët përkatës, veçanërisht nga autoritetet lokale të cilët ose posedojnë infrastrukturë/ linja pasive si dhe kanë kompetencën e lëshimit të lejeve për ndërtimin e rrjetit (Bashkitë, Autoriteti Rrugor).

Në lidhje me procesin e marrjes së lejeve të ndërtimit, ky problem i ngritur si për ndërtimin e infrastrukturës fikse ashtu edhe atë mobile. Ky fakt mbështetet dhe nga rezultatet e Raportit të Diagnostifikimit Digjital WBIF2019, i cili nënvizon se duhen mesatarisht 15 deri më 40 ditë punë (nga këndvështrimi i bashkive) që operatorët të marrin leje për kryerjen e punimeve civile. Nga ana e tyre, industria nënvizoi se ky proces mund të zgjasë edhe më shumë – deri në 60 ditë. Raporti thekson më tej

¹⁴ Studimi Sofrecom 2016, fq.22

se ndërkohë që tubat ekzistojnë në shumë qytete dhe në disa raste edhe në zona rurale, aksesit në të cilat kërkon leje, kabllo ajrore nuk kanë nevojë për licensim në shumicën e bashkive. Për më tepër, në 50% të Njësitëve të Qeverisjes Vendore (“NJQV”) nuk ka pasur kërkesa për dhënien e lejeve për kryerjen e punimeve civile, si dhe është zbuluar se ka një mungesë organizimi nga ana e NJQV-e përsa i përket shumicës së projekteve për ndërtim rrugës në lidhje me iniciativën “gërmo-një-hërë”.

Nga këndvështrimi i industrisë, proceset e instalimit të stacioneve të reja (site acquisition) dhe marrjes së lejeve për BTS mobile janë shumë të gjata dhe shpesh vonohen nga shumë kërkesa, të cilat limitojnë realizimin e siteve të reja në kohë, duke zvogëluar në këtë mënyrë buxhetin e caktuar vjetor të MNO-s për ndërtim rrjeti.

Përsa i përket rrjeteve fikse, është e nevojshme harmonizimi i rregullave për lejet për infrastrukturë që aplikohen nga Bashkita, mungesa e personelit të dedikuar dhe e ekspertëve në bashki, si dhe mungesa e përcaktimit të qartë të përgjegjësive tek rregullatorët të ndryshëm është gjithashtu një vështirësi.

Çështje kryesore mbetet harmonizimi i legjislacionit të planifikimit të territorit dhe shtrirjes së rrjetit të telekomunikacionit në nivel bashkie. Nevojitet një rregullim i procedurave për lëshimin e shpejtë të lejeve për punimet në infrastrukturë, si në nivel kombëtar ashtu edhe në atë lokal kjo për të shpejtuar procesin dhe nxitur investimet nga operatorët.

Në lidhje me bashkëpërdorimin e infrastrukturës ekzistuese, bashkëpunimi me dhe ndërmjet operatorëve të telekomit, ndërmarrjeve të tjera dhe bashkive nuk funksionon, është e nevojshme dhe kërkohet ndërhyrje urgjente për të zvogëluar kostot e shtrirjes së rrjetit duke përdorur infrastrukturën ekzistuese alternative.

Përsa i përket rregullimit të aksesit në rrjetet backbone, aktualisht ekzistojnë dy operatorë kombëtar të këtyre rrjeteve, por vetëm një është përcaktuar të ketë SMP dhe tarifën e aksesit në rrjetin e tjetrit nuk janë të rregulluara. Kjo paraqet vështirësi për të marrë akses në infrastrukturën backbone. Për të lehtësuar aksesin është e nevojshme marra e masave për:

- Lehtësim e bashkëpërdorimit të infrastrukturës passive mbi parime jodiskriminuese.
- Përsheptimi i komercializimit të infrastrukturës së fibrës optike OST, si një mundësi për akses me kosto më efektive me fibër për MNO-të.
- Rregullore simetrike për Altelecom dhe ATU për transparencën e tarifave dhe shërbimeve, aksesin në infrastrukturën pasive dhe fibrën optike në lidhjet në nivel interurban.
- Kontroll mbi çmimin e aksesit të tubacioneve / fibrës optike.
- Përmirësimi i informacionit që përmban ATLAS për rrjetet e komunikimeve elektronike.

Një gjetje kryesore e Raportit të Diagnostifikimit Digjital WBIF2019 është mungesa e metodologjisë në nivel NJQV kur ata lançojnë projekte të ndërtimit të rrugëve për zhvillimin e infrastrukturës pasive për rrjetet e shërbimeve të tjera dhe të telekomunikacionit. Bashkëpërdorimi mund të përmirësohet duke zbatuar një model bazuar në parimet e iniciativës “gërmo një herë” dhe në çmime të rregulluara.

Për këtë qëllim, palët e interesuara të industrisë theksuan që nevojiten një numër aktivitete, përfshirë ndërtimin e rrjeteve kabllore që aktualisht mungojnë dhe blerjen e pajisjeve në nyjet në nivelin e (1) rrjeteve backbone për të mundësuar qënjë pjesë e infrastrukturës TSO-të komercializojnë në shkallë vendi - këto rrjete pastaj mund të lidhin qytetet me qytete brenda kufijve kombëtarë (brenda vendeve pjesëmarrëse) dhe, (2) rrjete ndërkombëtare për të mundësuar bashkëpërdorimin ndërkufitar të fibrës

optike të OST (OPGW) - këto rrjete pastaj mund të lidhin qytetet me rrjetet në vendet e tjera, të vendosura përtej kufirit (duke lidhur në këtë mënyrë vendet fqinje). Për më tepër, bashkëpërdorimi i infrastrukturës energji-telekomunikacion do të jetë një nga mjetet kryesore që do t'i japi shtysë bashkëpunimit rajonal.

Progresi ka qenë i ngadaltë, megjithëse janë indentifikuar një numër vendimesh dhe aktiviteteve për adresimin e këtyre çështjeve. AKEP po bashkëpunon me autoritetet e qeverisjes vendore, për marrjen e lejeve të ndërtimit MNO, siç theksohet në Raportin Vjetor 2019 të AKEP. MIE po përgatit rregullore të përgjithshme për garantimin e të drejtave të kalimit.

OST, i cili operon në fushën e energjisë elektrike, është pajisur se fundmi me Autorizim nga AKEP për ofrimin e shërbimeve të telekomunikacionit, ofrimin e aksesit në fibrën optike të OST për broadband.

Aktivitetet e tjera të AKEP përfshijnë një seri dokumentesh të përmirësimit të SMP mbi analizën e tregut LLU, aksesin broadband (bitstream) dhe linjat me qira për të adresuar aksesin, Rregullorja Nr.35 datë 10.07.2015 "Rregullat për përdorimin e përbashkët të faciliteteve dhe aseteve të rrjeteve të komunikimeve elektronike publike" për të adresuar bashkëpërdorimin e infrastrukturës, koordinim me sektorin energjistik për të marrë informacion në lidhje me infrastrukturën e energjisë për ta përdorur për broadband; bashkëpunim me Ministrinë/Qeverinë për përgatitjen e akteve nënligjore në zbatim të Ligjit për promovimin e broadbandit të shpejtë dhe super të shpejtë për lehtësimin e procesit të marrjes së lejeve për punime civile, bashkëpunim me autoritetet vendore për të garantuar lejet për operatorët për zhvillimin e infrastrukturës, veçanërisht në zonat e pambuluara me shërbime mobile. Gjithashtu, sipas VKM Nr. 851 datë 7.12.2016 "Për kalimin e të dhënave mbi shtrirjen e rrjetit të infrastrukturës inxhinierike të Bashkitë" AKEP po bashkëpunon bashkitë për të lehtësuar procesin e mbledhjes së të dhënave mbi rrjetet telekom dhe identifikimin e mangësive. Çështja qëndron nëse ky proces po funksionin siç duhet dhe nëse informacioni gjendet lehtësisht.

Menaxhimi i Spektrit

Çështja e tretë që pengon progresin në lidhje me zhvillimin e infrastrukturës broadband i referohet lirimt të Dividentit Digjital 2, d.m.th. lirimi i brezit të frekuencës 700 MHz. Progresi ka qenë i ngadaltë për shkak se ky brez aktualisht përdoret për shërbime televizive dhe administrohet nga Autoriteti i Medias Audiovizive. Një çështje tjetër e ngritur nga grupet e interesit janë tarifat e larta të frekuencave në brezin V dhe brezin E të frekuencave gjë që sjell stepjen e tyre për të kryer investime, veçanërisht në kontekstin e 5G. Në lidhje me 5G, palët e interesuara gjithashtu theksuan se ankandi për bandën 3.5 MHz, nevojitet të përshpejtohet dhe të ndërmerret në vitin 2020 si një objektiv kyç i Planit Kombëtar të Broadband.

Në lidhje me lirimt e Dividentit Digjital 2 (brezi i frekuencave 694-790 MHz),¹⁵ duke qenë një proces kompleks, MIE, AKEP dhe AMA kanë organizuar disa takime për të diskutuar çështje të rëndësishme që lidhen me këtë proces dhe hapat e nevojshëm për implementimin e tij. Duke marrë në konsideratë

¹⁵ Sipas AMA, zhvillimi i broadband-it mobile në Shqipëri lidhet me procesin e lirimt të Dividentit Digjital 2 (694-790MHz). Bazuar në Vendimin (BE) 2017/899 të Parlamentit Evropian dhe të Këshillit të 17 Maj 2017 "Mbi përdorimin e brezit të frekuencave 470-790 MHz në BE" nga 30 Qershor 2020, Vendet Anëtare duhet të lejojnë përdorimin e brezit të frekuencave 694-790 MHz ('700 MHz') për sistemet tokësore të afta për ofrimin e shërbimeve broadband të komunikimeve elektronik broadband pa tel (wireless). Vendet Anëtare, gjithësesi, mund të vonojnë lejin e përdorimit të brezit të frekuencave 700MHz deri në dy vjet në bazë të një ose disa arsyeve të justifikuara. Në Shqipëri brezi 700MHz aktualisht është në bërëdorim nga operatorët analog dhe digjital të transmetimeve audiovizive.

kohën e nevojshme për realizimin e këtyre proceseve brenda afateve të përcaktuara nga Vendimi BE 2017/899¹⁶.

Çështja e dytë që u përcoll nga grupet e interesit të industrisë konsiston në tarifën e larta të spektrit për lidhjet mikro valore në brezat V (60 GHz) dhe E (70/80 GHz). Lidhjet mikrovalore që përdorin brezin V ose brezin E janë një alternativë e mirë kundrejt fibrave optike dhe janë shumë të përshtatshme për rrjetin 5G (dhe rrjetin broadband në përgjithësi) për shkak të kapaciteteve të transmetimit të të dhënave nga 10 Gbps në 25 Gbps.¹⁷ Këto lidhje mikrovalore mund të përdoren për implementimin e shpejt të rrjeteve backhaul mobile deri në stacionin fundor në çdo lloj zone (urbane, periferike dhe rurale), si rezultat i fleksibilitetit dhe i kostove të ulta të instalimit.

Sa i përket 5G, palët e interesuara theksuan se 5G duhet të konsiderohet si një komponent kyç i Shoqërisë Digjitale, në vecanti në kontekstin e rrjeteve celulare që në Shqipëri aktualisht janë më të përhapura sesa rrjetet fikse, lidhur kjo me penetrimin. Prandaj për të arritur qëllimet e ofrimit të shërbimit 5G në 2021, siç përcaktohet në Strategjinë 5G, banda 3.5 GHz duhet të dalë në ankand sa më shpejt të jetë e mundur gjatë vitit 2020 dhe të jetë pjesë kyçe e Planit Kombëtar të Broadband. Sa i përket 5G, palët e interesuara theksuan që 5G duhet të konsiderohet si një komponent kryesor i Shoqërisë Digjitale Shqiptare në veçanti në kontekstin e rrjeteve mobile që janë më të avancuara në Shqipëri sesa rrjetet fikse përse i përket depërtimit dhe shpejtësisë. Prandaj, për të arritur qëllimet e ofrimit të shërbimit 5G në 2021 siç përcaktohet në Strategjinë 5G, grupi 3.5 GHz duhet të dalë në ankand sa më shpejt të jetë e mundur gjatë vitit 2020 dhe të jetë një pjesë kryesore e Planit Kombëtar të Broadband.

Konkurenca e ndershme

Një çështje e katërt e ngritur nga grupet e interesit që u përcaktua edhe si baza për zhvillimin e një infrastrukture broadband të qëndrueshme ishte konkurenca e pa ndershme. Grupet e interesit theksuan që ndërsa tregu broadband karakterizohet nga një konkurrencë e madhe, konkurenca e çmimeve është ndonjëherë erozive dhe jo e qëndrueshmenë terma afatgjatë, duke qenë se disa oferta janë poshtë kostove për ofrimin e shërbimit, zakonisht të ofruar nga nga ISP e palicensuar.

Shqipëria ka tarifën më të ulët për broadband fikse jo vetëm në BE dhe vendet fqinje të rajonit, por gjithashtu në mbarë botën, duke u renditur vendi i 7 për tarifën fikse broadband në Nën – Indeksin e Përballeshmërisë të Indeksit të Gatishmërisë së Rrjetit 2016 të Forumit Ekonomik Botëror¹⁸. Çështja e praktikave jokonkurrese në shërbimet broadband është frenuese në investime dhe në zhvillimin e broadband. Kërkohej vemendje në adresimin e çështjes së praktikave të konkurrencës së pandershme apo veprimtarisë informale.¹⁹

Një çështje e dytë në lidhje me konkurrencën qëndron tek aksesin në godina për qëllimet e ofrimit të shërbimeve. Grupet e interesit nga sektori privat theksuan që bazuar në ligj, pronarët e ndërtesave duhet të lejojnë aksesin për secilin ofrues të shërbimeve, i cili do të konkurrojë për klientin fundor, por

¹⁶ Vendimi (BE) 2017/899 i Parlamentit Evropian dhe i Këshillit të 17 Maj 2017 “Mbi përdorimin e brezit të frekuencave 470-790 MHz në BE” nga 30 Qershori 2020, Vendet Anëtare duhet të lejojnë përdorimin e brezit të frekuencave 694-790 MHz (‘700 MHz’) për sistemet tokësore të afta për ofrimin e shërbimeve broadband të komunikimeve elektronik broadband pa tel (wireless). Vendet Anëtare, gjithësesi, mund të vonojnë lejimin e përdorimit të brezit të frekuencave 700MHz deri në dy vjet në bazë të një ose disa arsyeve të justifikuara.

¹⁷ Shiko: <https://www.gsma.com/futurenetworks/wiki/mobile-backhaul-an-overview/>

¹⁸ Shiko: http://www3.weforum.org/docs/GITR2016/WEF_GITR_Full_Report.pdf

¹⁹ Shiko: Sofrecom fq.13

ata nuk e lejojnë këtë duke përdorur justifikimin e “ekskluzivitetit” për një ofrues. Kjo është një praktikë është e paligjshme, e cila duhet të ndalohet nga autoritetet përkatëse. Në këtë kontekst MIE po harton rregullat për infrastrukturën e brendshme për rrjetet e komunikimit elektronik me shpejtësi të lartë dhe administrimin e pikave të aksesit në godina.

Në mënyrë të përmbledhur kërkesat për adresimin e problematikave jepen si në tabelën më poshtë:

<p>1. Ndërtimi i Infrastrukturës Broadband</p> <ul style="list-style-type: none"> ✓ Harta e Infrastrukturës – Përmirësimi i Atlasit ✓ Adresimi nga bashkitë dhe ministritë i dhënies së lejeve të ndërtimit për rrjetet broadband ✓ Përmirësimi i Bashkëpërdorimit të Infrastrukturës duke adresuar zbatim e rregulloreve për të drejtën e kalimit ✓ Promovimi i ndërtimit të rrjeteve NGN, duke përfshirë dhe 5G ✓ Zhvillimi i broadband në hapësirat publike/ Rrjetet WiFi ✓ Adresimi i Sigurisë së Rrjeteve ✓ Finalizimi i implementimit të Strategjisë 5G ✓ Përforsimi i kuadrit institucionale për zhvillimin e broadband 	<p>2. Përforsimi dhe zgjerimi fondeve dhe financimeve</p> <ul style="list-style-type: none"> ✓ Përmirësim i kuadrit dhe iniciativave për investime nga sektori privat ✓ Rishikim i Shërbimit Universal dhe Fondit të Shërbimit Universal ✓ Financim publik/Përdorim i Ndhmës Shtetërore ✓ Përdorim i Asistencës Ndërkombëtare
<p>3. Menaxhimi i Spektrit</p> <ul style="list-style-type: none"> ✓ Përfundimi i procesit dhe lirimi i Dividentit Digjital2 (Brezi i frekuencave 700 MHz) <ul style="list-style-type: none"> ▪ Konsultim publik me grupet e interesit ✓ Rishikimi i tarifave të spektrit 	<p>4. Konkurrenca e Qëndrueshme</p> <ul style="list-style-type: none"> ✓ Ekzaminimi i praktikave të pandershme /palicencuara dhe marrja e masave ✓ Sigurimi i zbatimit të përpiktë të ligjeve dhe rregulloreve ekzistuese

Burimi: Bazuar në përfundimet nga konsultimi me grupet e interesit.

VIZIONI DHE OBJEKTIVAT STRATEGJIKE 2020-2025

Ky dokumenti përcakton si vizion:

Shqipëria me infrastrukturë digjitale broadband të shpejtësisë së lartë dhe shumë të lartë në gjithë vendin, për të ngritur themelet për një shoqëri Gigabit

Për realizimin e këtij vizioni, përcaktohen këto objektiva strategjike të zhvillimit të broadband:

Objektivi strategjik 1: Zhvillimi i qëndrueshëm i infrastrukturës broadband

Objektivi strategjik 2: Reduktimi i ndarjes digjitale dhe ofrimi i shërbimeve broadband gjithëpërfshirëse

Objektivi strategjik 3: Rritje e kërkesës për zhvillimin e ekonomisë digjitale dhe një shoqëri Gigabit

Bazuar në analizën e mësipërme, sfidat për vendin si dhe konsideruar aspiratat për të ecur në harmoni me strategjitë e Bashkimit Evropian për krijimin e një shoqërie gigabit, që jepen në mënyrë të përmbledhur në shtojcën e këtij dokumenti, objektivat e përgjithshëm të planit të parë kombëtar të broadband janë ende të vlefshme dhe janë përshtatur me vizionin e përcaktuar dhe objektivat strategjike të mësipërm. Objektivat specifike kombëtare për broadband-in për periudhën 2020-2025, janë si më poshtë:

- ✓ **Nga fundi i vitit 2025** të ketë penetrim Broadband në 100% të familjeve, bizneseve dhe institucioneve publike, ku
 - 50% të kenë mundësinë e marrjes së aksesit me shpejtësi shumë të lartë të paktën 1 Gbps (zonat urbane –Tiranë)
 - 50% të kenë mundësinë e aksesit me shpejtësi prej të paktën 100 Mbps
- ✓ **Nga fundi i vitit 2025** 100% e familjeve në zonat rurale dhe të largëta të jenë të lidhura me akses broadband dhe të kenë mundësinë (disponueshmerine) e lidhjes me shpejtësi të paktën 100 Mbps;
- ✓ **Nga fundi i vitit 2025** 100% e shkollave të jenë të lidhura me internet broadband me shpejtësi të lartë me shpejtësi 1 Gbps
- ✓ **Nga fundi i vitit 2025** 100% e universiteteve të jenë të lidhura me broadband me shpejtësi 1 Gbps
- ✓ Rjeti Akademik Shqipar të jetë pjesë e rrjetit evropian të High Performance Kompjuter (HPC);
- ✓ **Nga fundi i vitit 2025** - 100% e qendrave shëndetësore dhe spitaleve të jenë të lidhura me broadband me shpejtësi të lartë prej 1 Gbps
- ✓ **Nga fundi i vitit 2025** një qytet kryesor, korridoret kryesore të transportit dhe vendodhjet strategjike të jenë të mbuluara me lidhje 5G.
- ✓ **Nga fundi i vitit 2023** në 50% të hapësirave publike si parqe, biblioteka dhe sheshe në të gjitha qytetet dhe fshatrat të ketë akses të lirë në lidhje WiFi

Zhvillimi i infrastrukturës digjitale broadband dhe arritja e objektivave strategjike kërkon investime të mëdha. Sfidat kryesore të zhvillimit të broadband lidhen me:

- Nxitjen dhe mbështetjen e investimeve për infrastrukturën digjitale broadband
- Sigurimi i shërbimit universal për broadband dhe krijimi i skemave mbështetëse për zvogëlimin e ndarjes digjitale
- Përmirësimi i kuadrit ligjor e rregullator për mbështetjen e investimeve në infrastrukturën broadband për sigurimin e të drejtës së kalimit dhe përdorimit të përbashkët të infrastrukturës ekzistuese NGA
- Zhvillimi i konkurrencës së ndershme të qëndrueshme
- Rritja/forcimi i kapaciteteve në institucionet përgjegjëse për zhvillimin e broadband si në nivel qendror (ministra e linjës, organi rregullator) dhe atë vendor në bashkitë.
- Zhvillimi i koordinuar dhe i harmonizuar i politikave për zhvillimin e infrastrukturave të utiliteteve për reduktimin e kostove të zhvillimit të infrastrukturës digjitale broadband.
- Rritja e kërkesës përmes zhvillimit të shërbimeve digjitale dhe rritja e kërkesës nga industria vertikale përmes zhvillimit të aplikacioneve dhe zgjidhjeve inovatore për qytetet e mencura (smart cities), aplikimeve TIK në fushën e transportit, energjisë, sektorëve të tjerë të ekonomisë, digjitalizimin e SME-ve;
- Zhvillimin e rrjeteve kompjuterike të performancës së lartë (HPC) në shërbim të rrjetit akademik dhe kërkimit shkencor;
- Zhvillimin e aftësive digjitale për të rritur kërkësen dhe përfitimet nga përdorimi i infrastrukturës broadband dhe gjithë shërbimeve dhe zhvillimeve aplikative si lot, AI, të mbështetura në to.

Masat mbështetëse për arritjen e objektivave:

- ✓ **Nga fundi i vitit 2020** të jetë vendosur një proces i qartë me përgjegjësi të qarta në lidhje me aplikimin dhe dhënien e lejeve të ndërtimit
- ✓ **Në fund të vitit 2021** të lirohet brezi 700 MHz nga operatorët e transmetimeve audiovizive dhe ky brez të ricaktohet tek MNO.
- ✓ **Nga fundi i vitit 2020-21** të jenë ngritur Zyrat Kompetente të Broadband-it dhe të caktohen përgjegjësitë në nivel bashkiak
- ✓ **Nga fundi i vitit 2021** AKEP të jetë caktuar si CIRT sektorial
- ✓ **Nga fundi i vitit 2021** të jetë ngritur Fondi i SHU, duke përfshirë një mekanizëm financimi publik dhe rregulla të qarta për disbursim.
- ✓ **Nga fundi i vitit 2020** të jenë miratuar rregullat për ndihmën shtetërore.
- ✓ **Nga fundi i vitit 2022** të jetë përditësuar Atlasi duke përfshirë të gjithë operatorët e infrastrukturës aktivë dhe ofruesit e infrastrukturës alternative.
- ✓ **Nga fundi i vitit 2022** të jetë krijuar një inventar i infrastrukturës alternative që mund të përdoret për broadband, duke përfshirë shërbimet dhe infrastrukturën pasive të përdorur nga bashkitë.
- ✓ **Nga fundi i vitit 2022** të jenë ngritur krijuar mekanizmat e financimit dhe sigurimit për rrjetet publike WiFi.
- ✓ **Nga fundi i vitit 2022** të jetë adresuar çdo praktikë antikonkurruese që dëmton zhvillimin e infrastrukturës broadband.

Masat për përmbushjen e objektivave dhe prioriteteve

Në lidhje me objektivat strategjike për: zhvillimin e qëndrueshëm të infrastrukturës broadband, reduktimin e ndarjes digjitale dhe ofrimi i shërbimeve broadband, dhe rritjen e kërkesës për zhvillimin e ekonomise digjitale dhe një shoqëri Gigabit, prioritetet e sektorit për periudhën 2020-2025 përfshijnë çështje të një niveli të lartë rëndësie si: promovimi i ndërtimit të rrjeteve së gjeneratës e së ardhmes NGN, zhvillimi i infrastrukturës e shtrirja e fibres optike, përfshirë zhvillimin e rrjeteve mobile broadband NGN, (lirimi i brezit 700 MHz dhe spektrit tjetër për 5G), avancimi i hartëzimit të infrastrukturës dhe bashkëpërdorimi i infrastrukturës në nivel vendor dhe kombëtar.

Përmirësimi i atlasit të infrastrukturës së komunikimeve elektronike duke përfshirë informacionin deri në pikën fundore të rrjetit, informacionin për rrjetet ekzistuese pasive që mund të përdoren për broadband, krijimi i një inventari të infrastrukturës pasive ekzistuese të bashkive për ripërdorim për rrjetet broadband, krijimi i mekanizmave nxitës për investime për infrastukturën Broadband në zonat rurale dhe të largëta duke përmirësuar kuadrin ligjor dhe rregullator, për të përfshirë fonde publike përmes Shërbimit Universal dhe ndihmës shtetërore, bazuar në praktikat më të mira të Bashkimit Evropian janë masat që do merren në këtë drejtim.

Prioritetet e sektorit privat lidhen me zgjerimin e mbulimit të broadband-it mobile në të gjithë vendin si dhe në zona të thella duke aplikuar LTE në 800 MHz, plane për investim për rritjen e kapaciteteve për të përmbushur kërkesat e mëdha për të dhëna, për zgjerimin e rrjetit me fibër optike, ndërtimin e siteve të reja për densifikimin e rrjeteve në zonat urbane e turistike dhe mbulimin e zonave rurale të largëta apo fshatrave të izoluar, rritjen e përdorimit të qelizave të infrastrukturës së rrjetit për vënien në përdorim të 5G. Implementimi dhe zbatimin korrekt i ligjeve e rregulloreve për aksesin dhe bashkëpërdorimin e infrastrukturës në lidhje me të drejtën e kalimit, do jetë në fokus për të bërë të mundur realizimin e këtyre prioriteteve. Thjeshtimi i procedurave dhe reduktimi i kohës për dhënien e lejeve të ndërtimit dhe lejeve për instalimet e reja të siteve gjithashtu do jetë pjesë e masave për nxitjen e zhvillimit të rrjeteve broadband. Garantimi i konkurrencës së qëndrueshme dhe investimeve të qëndrueshme.

Përmirësimi i Atlasit Broadband

Aktivitetet e propozuara:

- ✓ Përmirësim i Atlas dhe përfshirja e infrastrukturës së të gjithë operatorëve lokal, të cilët nuk janë të përfshirë aktualisht dhe infrastruktura alternative e bashkive dhe komunave që mund të përdoret për zhvillimin e broadband.
- ✓ Përmirësim i procesit të mbledhjes së të dhënave duke rritur bashkëpunimin me autoritetet lokale, bashkitë dhe institucionet.
- ✓ Përditësim i rregullores për Atlas-in dhe mbajtja e një konsultimi publik

Përgjegjësia:

- ✓ AKEP, MIE
- ✓ Autoritetet lokale, bashkitë,
- ✓ Operatorët e rrjeteve

Afati kohor: 2020-2022

Përmirësimi i klimës së investimeve

Adresimi i dhënies në kohë të lejeve për ndërtim të rrjetit dhe e drejta e kalimit, nga bashkitë apo institucionet qendrore janë prioritet kryesor dhe kusht paraprak kryesor që grupet e interesit të kryejnë

investime. Për të nxitur operatorët që të investojnë duhet të bëhen përmirësime të rëndësishme në procesin e aplikimit, afate strikte, si dhe në ngritjen e kapaciteteve në nivel bashkiak.

Aktivitetet e propozuara:

- ✓ Përmirësim i procedurave për lejet e ndërtimit për zhvillimin e rrjeteve broadband, duke përfshirë procedura miratimi më të shkurtra dhe efektive.
- ✓ Thjeshtim i proceseve aktuale (rishikimi i listës së dokumenteve të kërkuara) - përjashtime për lloje të ndryshme projektsh infrastrukture gjithashtu në kontekstin e zhvillimit të siteve/celave të vogla
- ✓ Përmirësim i koordinimit dhe bashkëpunimit midis bashkive, ministrive dhe enteve rregullatore për ceshtjet e rrjeteve broadband;
- ✓ rritja e kapaciteteve dhe ekspertëve, caktimi i përgjegjësive në çdo bashki.
- ✓ Organizimi i një konference kombëtare vjetore për infrastrukturën broadband

Përgjegjësi

- ✓ MIE për qëllime kordinimi
- ✓ AZHT
- ✓ AKEP, institucione të tjera të lidhura
- ✓ bashkitë dhe entet rregullatore për koordinim vendor dhe për përcaktimin e procedurave mëtë thjeshtuara/ one stop shop (Portali e-Albania)

Afati kohor: 2020- 2022

Bashkëpërdorimi infrastrukturës ekzistuese

Prioriteti i dytë i identifikuar nga grupet e interesit të sektorit publik dhe privat për zhvillimin e mëtejshëm të infrastrukturës në një mënyrë që kostoja të jetë sa më efektive është përmirësimi i bashkëpërdorimit të infrastrukturës.

Kjo përfshin bashkëpërdorimin e infrastrukturës në nivel bashkiak, gjithashtu në lidhje me kryerjen e projekteve për ndërtimin e rrugëve dhe zhvillimin paralel të infrastrukturës pasive, të nevojshme për shërbime të tjera të utiliteteve dhe për rrjetet e telekomunikacionit. Rregullimi i aksesit në infrastrukturat ekzistuese backbone (Albtelecom, ATU), si dhe mundësia i përdorimit të rrjetit të fibrës optike të OST, që do të rrisë konkurrencën në këtë pjesë të tregut.

Aktivitet i propozuar:

- ✓ analiza dhe adresimi i barrierave për bashkë përdorimin e infrastrukturës.
- ✓ Implementim dhe zbatim i ligjeve dhe rregulloreve ekzistuese mbi bashkëpërdorimin e infrastrukturës;
- ✓ Rregullimi i aksesit në infrastrukturën backbone
- ✓ Rregullimi i aksesit në godina
- ✓ Inventarizim i infrastrukturës alternative të zotëruar nga kompanitë e shërbimeve publik dhe i infrastrukturës pasive që mund të ripërdoret për broadband – përfshirje në Atlas
- ✓ Inventarizim i infrastrukturës pasive në zotërim të bashkive
- ✓ Avancim i procesit të licensimit për ofruesit alternativë të infrastrukturës.

Përgjegjësia:

- ✓ MIE për finalizimin dhe implementimin e ligjeve ekzistuese dhe akteve nënligjore /

legjislacioni dytësor

- ✓ AKEP - për adresimin e ndonjë barriere rregullatore për bashkëpërdorimin e infrastrukturës
- ✓ Bashkitë - për të siguruar një zbatim korrekt të ligjeve dhe për të mundësuar inventarizimin e infrastrukturës alternative të disponueshme për t'u ripërdorur
- ✓ Rregullatorët e utiliteteve (energji, transport, gaz, ujë);

Afati kohor: 2020 – 2025

Strategjia dhe implementimi i 5G

Në Shtator 2016 Komisioni Evropian publikoi Planin e Veprimit 5G për Evropën²⁰ për t'i dhënë një shtysë realizimit të rrjeteve të telekomunikacionit të gjeneratës së 5-të në BE. Komisioni theksoi nevojën për një qasje të koordinuar për të siguruar aplikimin e menjëhershëm të teknologjisë 5G në BE. Ministri Evropian për telekomunikacionet u përgjigjën në Dhjetor 2017 duke miratuar një udhëzues ambicioz i cili do ta shndërrojë Evropën lider botëror në teknologjinë 5G. Udhëzuesi paraqet nevojën për të vënë spektrin në dispozicion sa më shpejt dhe në mënyrë më të parashikueshme që rrjetet 5G të vendosen shpejt, me qëllim që:

- 5G të jetë e disponueshme në të paktën një qytet për çdo Vend Anëtar deri në vitin 2020.
- Të promovohet vendosja e 5G midis viteve 2018 dhe 2025.
- Të krijohet “Shoqëria Gigabit” deri në vitin 2025 duke vendosur 5G në qytetet dhe qytezat kryesore, si dhe përgjatë rrugëve kryesore të transportit.

Shqipëria si vend kandidat për anëtarësim në BE, është e angazhuar të harmonizojë politikat e saj kombëtare, në lidhje me zhvillimin e komunikimeve elektronike, me ato të BE-së, të cilat do të harmonizohet me objektiva strategjik të iniciativës të BE në vitin 2010 mbi Agjendën Digjitale për Evropën²¹, si një strategji gjithëpërfshirëse për zhvillimin e shoqërisë së informacionit dhe strategjinë e BE-së e vitit 2016 “Drejt një shoqërie Gigabit për 2025”²². Përdorimi i Internetit përmes celularit dhe rrjetet mobile broadband janë mbizotëruese në Shqipëri. Mobile broadband, dhe 5G do të jenë një komponent kryesor i infrastrukturës kombëtare në Shqipëri.

Në lidhje me zhvillimin e rrjeteve 5G do synohet:

1. Lehtësim vënies në dispozicion në kohë i spektrit
2. Thjeshtim, permiresim i proceseve dhe reduktim i kompleksitetit për lejet e ndërtimit
3. Adresim i çështjeve mjedisore
4. Promovim i ndërgjegjësimit mbi mundësitë dhe përfitimet nga 5G
5. Garantimi i sigurisë së rrjeteve

Aktivitet i propozuar:

- ✓ Finalizim i dokumentit për 5G hartimi i një Plani Veprimi
- ✓ Implementim i rekomandimeve kryesore të përfshira në Strategjinë dhe Udhëzuesin 5G

²⁰5G për Evropën: Plani i veprimit <https://ec.europa.eu/digital-single-market/en/news/communication-5g-europe-action-plan-and-accompanying-staff-working-document>

²¹Komunikata nga Komisioni për Parlamentin Evropian, Këshillin, Komitetin Evropian Social dhe Ekonomik dhe Komitetin Rajoneve, COM (2010) 245 final, “Agjenda Digjitale për Evropën” [https://eur-lex.europa.eu/legal-content/EN/ALL/?uri=CELEX:52010DC0245R\(01\)](https://eur-lex.europa.eu/legal-content/EN/ALL/?uri=CELEX:52010DC0245R(01))

²²COM (2016) 587

- ✓ Adoptimi i masave të sigurisë/besueshmërisë së rrjeteve sipas praktikave të mira ndërkombëtare;

Përgjegjësia:

- ✓ MIE –kuadri ligjor.
- ✓ AKEP – Alokimi i spektrit të disponueshëm
- ✓ AMA—sigurimi që spektri DD2 të jetë i disponueshëm.
- ✓ Bashkitë - akses në infrastrukturën publike.
- ✓ Operatorët e rrjetit – ndërtimi i rrjetit, akses.
- ✓ AZHT, Ministria e Shëndetësisë
- ✓ Të tjerë

Afati kohor: 2020 – 2022

Rrjetet WiFi për publikun

Bazuar në praktikën më të mirë të BE për WiFi4EU, një iniciativë që promovon lidhjen WiFi pa pagesë në dhe përreth godinave publike, qendrave shëndetësore, parqeve ose shesheve, ndërtimi i rrjeteve WiFi do shikohet mundësia e realizimit të WiFi për qendrat publike në bashkëpunim me bashkitë, autoritetet e tjera të lidhura me zhvillimin e infrastrukturave TIK, Posta Shqiptare.

Aktivitet i propozuar:

- ✓ Adresim i çështjes së financimit të infrastrukturës së re, përfshirë sigurimin e fondeve për rrjetet WiFi publike
- ✓ Krijimi i mundësisë së marrjes së shërbimeve publike elektronike dhe lidhjes Internet në zyrat e Postës Shqiptare

Përgjegjësia:

- ✓ Përgjegjësia kryesore për koordinim i përket MIE
- ✓ AKEP– për të mbështetur Shërbimin universal Ministria e Financave dhe Ekonomisë – ndihma shtetërore
- ✓ AKSHI
- ✓ Krijimi i fondeve për mbështetjen e infrastrukturës broadband në zonat rurale/zhvillimet në bujqësi Ministria e Bujqësisë
- ✓ Fondet e zhvillimit rajonal – ndërtimin e infrastrukturës pasive
- ✓ Pushteti vendor – alokim i buxhetit për rrjetet broadband/infrastruktura pasive
- ✓ Posta Shqiptare,
- ✓ Operatorët e rrjetit – investimi dhe ndërtimi privat

Shënim: Disa rekomandime për skemën e duhur priten nga WBIF/IPF8

Afati kohor: 2020- 2025

Adresimi i sigurisë së rrjeteve broadband

Një prioritet kryesor në zhvillimin e infrastrukturës broadband është përdorimi i sigurt, i mbrojtur dhe i besueshëm i aksesit internet broadband, i cili nuk duhet të ketë kërcënime kibernetike. Në këtë kontekst, siguria kibernetike është bërë një nga objektivat e AKEP, i cili ka marr masa konkrete, të paraqitura në Seksionin 3. Objektivi kryesor i AKEP, në bashkëpunim me AKCESK, në fushën e sigurisë

kibernetike për periudhën 2020 -2025, është të marri rolin e Skuadrës së Përgjegjës ndaj Incidenteve Kibernetike (CIRT) sektoriale, me një mandat dhe me përgjegjësi të qarta për marrjen, rishikimin dhe përgjigjen ndaj raportimeve për incidentenë lidhje me sigurinë e kompjuterave dhe aktiviteteve në rrjetet e komunikimit elektronik. Bashkëpunimi me AKCESK , bazuar në një komunikim, bashkëpunim dhe ndarje informacioni të shpejtë dhe eficient me CIRT kombëtar, është shumë i rëndësishëm.

Aktivitet i propozuar:

- ✓ Përditësimi i kërkesave ligjore e rregullatore për sigurinë e rrjeteve broadband
- ✓ Caktimi dhe zbatimi i AKEP si CIRT sektorial

Përgjegjësia:

- ✓ MIE – ndryshimet në ligjin për komunikimet elektronike sipas Kodit të Komunikimeve elektronike të BE-së, praktikës ndërkombëtare
- ✓ AKEP
- ✓ AKCESK

Afati kohor: 2020/2021

Forcimi i kuadrit institucional për zhvillimin broadband

Për t'u siguruar që plani kombëtar për broadband dhe aktivitetet e tij mbështetëse të mund të implementohen siç duhet, duhet forcuar kuadri institucional. Kapacitetet institucionale nëpër ministri të ndryshme dhe bashki duhet të rriten, në linjë me iniciativat shtesë të BE-së për të ndihmuar në arritjen e Objektivave të Shoqërisë Gigabit të BE. Duhet ngritur Zyrat Kompetente për Broadband, të cilat do të shërbejnë si pikë e vetme kontakti në Shqipëri në nivel lokal dhe kombëtar.

Aktivitet i propozuar:

- ✓ Rritje e kapaciteteve institucionale për të siguruar implementimin efektiv të Planit Kombëtar për Zhvillimin e Broadband
- ✓ Ngritja e Zyres/ave Kompetente për Broadband në nivel kombëtar dhe/ose lokal sipas modeleve të mira të BE-së.

Përgjegjësia

- ✓ MIE
- ✓ AKEP
- ✓ Pushteti vendor, Bashkitë

Afati kohor: 2020-2021

Rritja e kërkesës - Përdorimi i infrastrukturës NGA

Për të arritur shoqërinë digjitale dhe reduktuar ndarjen digjitale, është përdorimi i NGA-ve. Në qytetet e mëdha përfshirë Tiranën dhe ku ka zhvillime domethënëse të NGA-ve që mundësojnë lidhje me shpejtësi shumë të lartë, shpejtësia aktuale mesatare dhe e përdorur është shumë e ulët 4-12Mbit/s. Kjo është kryesisht për shkak të mosgatishmërisë ose paaftësisë së pajtimtarëve për të përmirësuar dhe paguar shërbim më cilësor, duke cuar kështu në përdorim të infrastrukturës së qasjes së gjeneratës së re. Prioritet duhet t'i jepet hulumtimit të mënyrave për të stimuluar qytetarët që jetojnë në zonat me mbulim NGA, për të përdorur shpejtësi më të larta, psh stimulimi i kërkesës. Për më tepër cilësia e shërbimit nuk është e ulët vetëm në zonat e largëta e rurale, por edhe në qytetet e mëdha. Shkaku i

kësaj është theksuar si mbizotërimi i kabllove ajrorë që janë të ndjeshëm ndaj aksidenteve. Këtu përparësi duhet ti kushtohet zhvendosjes së infrastrukturës në tokë.

Aktivite që propozohen:

- ✓ Eksplorimi i mënyrave për të stimuluar qytetarët që jetojnë në zonat me mbulim NGA, për të përdorur shpejtësi më të larta, dhe rritur kërkesën për shërbime broadband
- ✓ Nxitja e përdorimit të shërbimeve elektronike dhe rritja e aftësive digjitale për përdorimin e tyre.
- ✓ Përmirësimi i cilësisë së shërbimit duke zhvendosur infrastrukturën ajrore në tokë.

Përgjegjës:

- ✓ MIE
- ✓ AKSHI
- ✓ AKEP
- ✓ Pushteti vendor, Bashkitë
- ✓ MNOs
- ✓ Etj.

Afati kohor 2020 e ne vijim

Zhvillimi i qendrueshëm i rrjeteve broadband dhe ekonomia e gjelbër

Në zhvillimin e rrjeteve broadband do të ndërmerren masa për promovimin e zhvillimeve miqësore me mjedisin, përdorimi i teknologjive alternative të ushqimit për sistemet e komunikimit si sistemet me ngrohje diellore në sítet dhe stacionet në distance, marrja e masave për reduktimin e ndotjeve mjediorë nga përdorimi i pajisjeve elektronike do jetë pjesë e iniciativave dhe aktiviteteve që do inkurajohen në zbatimin e këtij plani.

Zgjerimi i burimeve financiare dhe fondeve për zhvillimin e infrastrukturës broadband

Ndarja digjitale vazhdon normalisht sepse tregu dështon në ofrimin e të shërbimeve dhe infrastrukturës broadband në zonat që nuk sjellin përfitime ekonomike. Kjo vjen si rrjedhojë e mungesës së një kuadri mbeshtetës për investimet private në zonat me pak interes, i cili të përcaktojë stimujt e duhur, dhe e mungesës së mekanizmave të financimit publik. Aktualisht në Shqipëri infrastruktura broadband, përjashtuar zhvillimet për administratën publike, është financuar vetëm nga sektori privat. Në zonat që nuk sjellin përfitime ekonomike është e nevojshme të ndërhyjë sektori publik dhe të ketë një kombinim të stimujve për investime me fonde publike.

Në prioritetet e MIE përfshihen eliminimi i pengesave për investime në broadband, në mënyrë specifike në zonat rurale. MIE ka si qëllim përmirësimin e kuadrit ligjor në lidhje me dispozitave të Shërbimit Universal për të përfshirë zhvillimin broadband.

Shqipëria ka një kuadër të përgjithshëm për ndihmën shtetërore, të miratuar me ligj në vitin 2005, por nuk ka asnjë praktikë për ndihmë shtetërore për zhvillimin e infrastrukturës broadband. Në nëntor 2019 Ministria e Financave dhe Ekonomisë ka miratuar udhëzimin nr.92 për rregullat për ndihmën shtetërore në zhvillimin e broadband bazuar në praktikën BE. Në BE, një nga parimet udhëzuese është që çdo ndërhyrje shtetërore duhet të limitojë sa të mundet rrezikun e zëvendësimit apo nxjerrjes jashtë loje të investimeve private, ndryshimin e stimujve për investime tregtare dhe shtrembërim të konkurrencës.

Kur ky parim aplikohet në rastin e zhvillimit të infrastrukturës broadband, duhet të sigurohet që fondet publike të përdoren siç duhet dhe që ndihma shtetërore është plotësuese dhe nuk zëvendëson apo shtrembëron investimet të aktorëve të tregut.²³

Në termat e prioriteteve në investime, MIE është duke punuar në kuadër të projektit për zhvillimin e broadband ku në fazën e aplikimi është bërë një vlerësim investimi prej 48 milion Euro.

Aktivitetet e propozuar:

- ✓ Zbatimi i udhezimit për ndihmën shtetërore për broadband bazuar në rregulloret e BE-së;
- ✓ Rritja e ndërgjegjësimit për skemat e ndihmes shtetërore për broadband;
- ✓ Aplikimi i ndihmës shtetërore për broadband në zonat dhe rastet e justifikuara

Përgjegjësia:

- ✓ MIE
- ✓ Ministria e Financave dhe Ekonomisë
- ✓ AKEP
- ✓ Institucione të tjera të lidhura me zhvillimin e broadband ne zonat rurale

Afati kohor: 2020 -2025

Rishikimi i Shërbimit Universal dhe skemat e financimit

AKEP në 2017 aprovoi dokumentin “Statusi i Shërbimit Universal të Komunikimeve Elektronike-2017” me përfundimin që përfshirja e aksesit broadband në qëllimet e Shërbimit Universal në Shqipëri do të ishte e parakohshme në vitin 2017 dhe në të ardhmen e afërt. Sot për sot, në Shqipëri nuk është caktuar asnjë ofrues i SHU dhe nuk është ngritur asnjë Fond i Shërbimit Universal.²⁴ Në situatën e zhvillimit të broadband dhe ekzistencës së ndarjes digjitale të vijueshme del e nevojshme rishikimi i përcaktimeve për shërbimin universal si dhe skemave të financimit.

Aktivitet i propozuar:

- ✓ Rishikimi i kuadrit ligjor e rregullator për komunikimet elektronike në lidhje me shërbimin universal;
- ✓ Adresim i çështjes nëse Broadband duhet të përfshihet në Shërbimit Universal bazuar në Kodin e Ri të Komunikimeve Elektronike
- ✓ Adresim i çështjes së krijimit të Fondit për Shërbimin Universal dhe përdorimi i ndihmës shtetërore për zhvillimin e infrastrukturës broadband;
- ✓ Vendimmarrje mbi kontributin në Fondin për Shërbimit Universal nga fonde publike dhe private, si dhe mbi mekanizmin e disbursimit

Përgjegjësia:

- ✓ MIE
- ✓ AKEP
- ✓ MFE
- ✓ Operatorët e rrjetit

Afati kohor: 2021-2022

²³Shiko: Vendimi <https://eur-lex.europa.eu/LexUriServ/LexUriServ.do?uri=OJ:C:2013:025:0001:0026:EN:PDF> dhe https://ec.europa.eu/regional_policy/sources/conferences/state-aid/broadband_rulesexplained.pdf

²⁴ Shiko: ITU Questionnaire, Albania 2019

Menaxhimi i spektrit

Me qellim mbeshtetjen e zhvillimeve të infrastrukturave broadband do punohet për sigurimin e spektrit të nevojshëm. Lirimi i digjital dividend 2 do bëhet në mënyrë të kujdesshme në mënyrë që të sigurohet spektri i duhur në dispozicion të zhvillimit të mëtejshëm të rrjeteve dhe shërbimeve mobile broadband por gjithashtu të sigurohet vazhdimësi në ofrimin e shërbimeve broadcast.

Spektri duhet të jetë i disponueshëm dhe me çmim të përshtatshëm, për të stimuluar operatorët të ofrojnë shërbime dhe të ndërtojnë rrjete duke përdorur teknologji të ndryshme.

Në aktivitetet e lidhura me spektrin e frekuencave është e rëndësishme miratimi i politike spektrale afatmesme afatgjate, rishikimi dhe përditësimi i Planit Kombëtar të Frekuencave sipas Radio Rregulloreve Ndërkombëtare dhe Planit të Alokimeve Evropiane.

Aktivitetet e Propozuara:

- ✓ Mbatja e Konsultimeve Publike me palët e Interesuara
- ✓ Finalizimi i lirit të Dividentit Digjital 2
- ✓ Analiza dhe rishikimi i tarifave të spektrit
- ✓ Realizimi në kohë i ankandit për bandën 3.5 GHz

Përgjegjësitë:

- MIE
- AMA, AKEP
- MFE

Afati kohor: 2020- 2022

Konkurrenca e ndershme e qëndrueshme

Grupet e interesit të sektorit privat paraqesin nevojën për një kuadër rregullator i cili bazohet në parimet e investimeve të qëndrueshme dhe konkurrencës së qëndrueshme, në mënyrë që të garantohet që praktikatat e tregut nuk ndikojnë në konkurrencë.

Aktivitet i propozuar:

- ✓ Investigim dhe adresim i praktikave antikonkurrese
- ✓ Analizat e tregjeve përkatës për broadband dhe marra e masave rregulluese
- ✓ Zbatim i ligjeve ekzistuese mbi konkurrencën
- ✓ Aktivitete periodike rregullator - autoriteti i konkurrencës - pale të interesuara mbi çështjet e konkurrencës në tregun e broadband;

Përgjegjësia:

- ✓ AKEP
- ✓ Autoriteti i Konkurrencës
- ✓ MIE

Afati kohor: në vazhdimësi

Zhvillimet inovatore për ekonomine digjitale

Nxitja e zhvillimit të aplikimeve të mbështetura në rrjetet broadband si smart city, Internet of Things (IoT), përdorimi i intiligjencës artificiale do jenë pjesë e aktiviteteve dhe masave në kuadër të zbatimit të planit kombëtar të broadband e koordinuar dhe me aktivitetet e masa të Agjendës Digjitale.

Përmbledhja e masave sipas objektivave me aktivitetet dhe masat përkatëse, institucionet përgjegjëse dhe afatet do prezantohen në menyrë të përmbledhur në aneks të veçantë në fund të dokumentit.

Modelet e financimit për implementim

Shqipëria, si shumë vende të tjera në botë, ndesh disa sfida në lidhje me investimet në infrastrukturën e internetit me shpejtësi të lartë, veçanërisht në zonat rurale dhe të largëta, zonat pak të populluara që nuk sjellin përfitime ekonomike për investitorët privatë. Kjo del në pah nga dividendi digjital e vazhdueshme. Në zonat me dendësi të lartë popullore, kërkesa për broadband dhe gatishmëria për të paguar është më e lartë se në zonat me dendësitë të ulët të popullsisë. Ky është një rast i mirë për përfitim në zona me konkurrencë të plotë, kryesisht zonat urbane, ku operatorët investojnë, në krahasim me një zonë me konkurrencë të mesme ku aktorët duhet të mbështeten në bashkëpërdorimin e infrastrukturës dhe, së fundi, në zonat ku rrjetet kërkojnë financim shtetëror, pasi investimet private do të kishin humbje.

Qëllimi i planit për broadband është të zhvillojë strategjitë më të mira për financim të cilat maksimizojnë mbulimin dhe sigurimin e shërbimit për pjesën më të madhe të shqiptarëve. Kjo qasje u theksua edhe në Simpoziumin e Rregullatoreve Globale të organizuar nga ITU's GSR 2019²⁵ ku në deklaratën e 10 e rezultateve të CRO nënvizohet se:

- (1) Për të lidhur ata që nuk janë në gjendje të përfitojnë nga revolucioni digjital, nevojiten qasje të reja bashkëpunuese, përfshirë një pjesëmarrje më të gjerë të sektorit publik;
- (2) Financimi i zgjerimit të infrastrukturës për 49% e mbetur nuk mund të bëhet vetëm nga operatorët e telefonisë mobile, por kërkon përpjekje të bashkërenduara nga të gjithë aktorët e ekosistemit;
- (3) Mjedisi rregullator duhet të sigurojë stimujt e duhur për të siguruar që mbulimi më i madh i mundshëm të mund të sigurohet në mënyrë komerciale; dhe
- (4) Në zonat që janë jofitimprurëse, ekuilibri i duhur duhet të arrihet midis rregullimit, përfshirjes së sektorit publik dhe forcave konkurruese të tregut.

Ekzistojnë një mori mënyrash të ndryshme për të financuar zhvillimin e infrastrukturës broadband. Deri më tani, në Shqipëri ndërtimi i infrastrukturës broadband ka qenë kryesisht i financuar nga sektori privat, domethënë nga operatorët e rrjetit. Në këtë fushë nuk është siguruar asnjë financim publik dhe nuk ka mekanizma të financimit publik, përveç financimit përmes ndihmës teknike ndërkombëtare.

²⁵Shiko: https://www.itu.int/en/ITU-D/Conferences/CRO/Documents/CRO10/CRO2019_chairman_report.pdf

Sektori privat ka kryer investime domethënëse, megjithëse në rënie gjatë 8 viteve të fundit, të cilat arritën në vlerën totale prej 4 miliardë lekë në vitin 2018.

Sektori privat vazhdon të angazhohet për të bërë përpara me zhvillimin e infrastrukturës broadband, me prioritete në investime për periudhën 2020-2025 të përqëndruara në përditësimin dhe përmirësimin e të gjithë pjesëve të rrjetit, duke përfshirë first mile, middle mile dhe lastmile.

Dhe në vitet në vijim investimet dhe kontributi i sektorit privat do të jetë domethënës, por masa mbështetëse do të merren në përputhje me praktikën e mira ndërkombëtare dhe të Bashkimit Evropian.

Për të mbështetur sektorin privat dhe për të lehtësuar investimet, AKEP në Strategjinë e saj dhe në Planin e Veprimit për vitin 2018 përcaktoi kushte të favorshme për investitorët, duke përfshirë:

- Rregulla të qarta dhe të qëndrueshme për zhvillimin e infrastrukturës broadband dhe promovimin e investimeve në infrastrukturën e fibrave optike;
- Përshejtim i procedurave për alokimin tek operatorët të spektrit të përshtatshëm për shërbime broadband;
- Përshejtim i procedurave për fillimin e skemës së Shërbimit Universal; dhe
- Mbështetje e iniciativave për zhvillimin e Broadband në zona pa interes tregtar.

Përsa i përket sektorit publik, Shqipëria ka marrë asistencë teknike nga organizata ndërkombëtare dhe rajonale, si, për shembull, asistencë përpara aderimit nga BE në kuadër të WBIFme 48 milion € të caktuara për zhvillimin e broadband-it²⁶, studimi i parafizibilitetit i financur nga UNDP i ndërmarrë nga Sofrecom në 2017, dhe studimi i Bankës Botërore “Balkans Digital Highway” i vitit 2017.

Gjatë 2015-2017 u ngrit dhe funksionoi një fond për projektet digjitale (“Digital Albania”), i cili u përdor për të financuar aktivitetet e lidhura me eGovernment. Megjithatë, pa një angazhim të shtuar financiar dhe angazhim nga sektori publik ndarja digjitale do të vazhdojë. Tri alternativa të përgjithshme për financimin e broadband-it përfshijnë (1) investime nga kompanitë private, (2) Partneriteti Publik-Privat, dhe (3) programe financimi publike/përdorim i ndihmës shtetërore.

Për të arritur objektivat për broadband të përcaktuara në Agjendën Digjitale për Evropën²⁷, Komisioni Evropian i ka bërë thirrje vendeve anëtare të përdorin “financimin publik në përputhje me rregullat e BE-së për konkurrencën dhe ndihmën shtetërore”.

Për këtë arsye, qëllimi i përdorimit të ndihmës shtetërore në Shqipëri do të ishte arritja e objektivave kombëtare për broadband dhe përmbushja e vizionit për një lidhje universale me shpejtësi të lartë drejt një shoqërie informacioni, duke mbështetur përdorim shërbimesh dhe akses më të madh, cilësi më të lartë shërbimesh dhe investime konkurruese edhe në zonat jofitimprurëse.

Studimi i Sofrecom paraqet përdorimin e Partneritetit Publik-Privat dhe të Programeve të Financimit Publik/Ndihmës Shtetërore si mekanizma financimi më të përshtatshme, për të shtrirë infrastrukturën në zonat që kanë përfitim të ulët, sipas rajoneve, si më poshtë:

²⁶ Shiko: <https://www.wbif.eu/wbif-projects/details?code=PRJ-ALB-DII-001&ogtitle=Regional%20Broadband%20Infrastructure%20Development&ogdescription=PRJ-ALB-DII-001&ogimage=workspace://SpacesStore/bdace1e6-19dd-400a-b68a-2a5fa3e50358>

²⁷ Shiko: <https://www.europarl.europa.eu/factsheets/en/sheet/64/digital-agenda-for-europe>, dhe Komisioni drejtuar Parlamentit Evropian, Këshillit, Komitetit Evropian Ekonomik dhe Social dhe Komitetit të Rajoneve, Broadband Evropian: investime në rritjen e nxitur nga teknologjia digjitale, COM (2010) 472 final.

- ✓ **Investime nga kompani private në Rajonin 1**, përkatësisht Tiranë, Durrës, Fier
- ✓ **Partneritet Publik-Privat në Rajonin 2**, përkatësisht Elbasan, Lezhë, Berat, Vlorë
- ✓ **Partneritet Publik-Privat dhe financim publik në Rajonin 3**, përkatësisht Shkodër, Korçë, Dibër, Kukës, Gjirokastrë

Bazuar në rezultatet e studimit të Sofrecom, një grant prej 0.5 milionë € është alokuar në Qershor 2018 nga WBIF për fazat e tjera të projektit - ndërmarrja e një studimi fizibiliteti dhe krijimi i një plani zhvillimi për investime efikase dhe të zgjuara në infrastrukturën broadband në të gjithë vendin. Kosto totale e projektit u vlerësua në shumën prej 48 milionë €. Implementimi i studimit ishte menduar të fillonte në Korrik 2019 me një kohëzgjatje të pritshme prej 9 muajsh. Investimet në TIK të përfshira në projektin e përgjithshëm do të synojnë lidhje më të mirë në internet për shkollat, spitalet, institucionet publike, administratat lokale dhe familjet gjithashtu.

Rezultatet e Studimit të Fizibilitetit do të ofrojnë rekomandime në lidhje me financimin dhe mekanizmat e përshtatshëm të financimit për Shqipërinë, për të arritur objektivat e saj për broadband. Një përmbledhje e mekanizmave të ndryshëm të financimit është dhënë në Shtojcën bashkelidhur.

Mekanizmat e implementimit dhe monitorimi

Përsa i përket mekanizmit të implementimit të Planit Kombëtar për Zhvillimin e Broadband-it, një i tillë u krijua me Planin Kombëtar për Zhvillimin e Broadband-it të vitit 2013. Nga ajo periudhe kanë ndodhur disa ndryshime në nivelin institucional, të cilat kanë ndikuar në përgjegjësitë dhe kompetencat e institucioneve dhe agjencive të ndryshme.

Në nivel vendimmarrës, Ministria e Infrastrukturës dhe Energjisë (MIE) është institucioni përgjegjës për zhvillimin e infrastrukturës broadband dhe zbatimin e Planit Kombëtar për Zhvillimin e Broadband-it.

Mbi bazën e Urdhërit të Kryeministrit Nr. 157, datë 22.10.2018 “Për marrjen e masave për zbatimin e qasjes së gjërë sektoriale/ndërsektoriale, si dhe ngritjen dhe funksionimin e mekanizmit sektorial/ndërsektorial të integruar” janë krijuar Grupet e Menaxhimit të Integruar të Programeve (“GMIP”) dhe Komitetet Drejtuese Strategjike për të promovuar bashkëpunimin ndërmjet institucioneve, agjencive të ndryshme qeveritare si edhe politikave dhe aktivitetet korresponduese. Komitetit Drejtues Strategjik “Ndërlidhja”, që drejtohet nga Ministria e Infrastrukturës dhe Energjisë ka në përbërje grupin tematik për telekomunikacionin dhe broadband, që drejtohet nga Ministria e Infrastrukturës dhe Energjisë dhe me pjesëmarrje të përfaqësuesve të AKEP, institucioneve të tjera të lidhura.

Një ndryshim i dytë në fushën e TIK ka të bëjë me riorganizimin e Agjencisë Kombëtare të Shoqërisë së Informacionit (AKSHI). AKSHI është përgjegjës për shoqërinë e informacionit, eGov dhe koordinimin e të gjitha aktiviteteve të Qeverisë në fushën e teknologjisë së Informacionit dhe Komunikimit.²⁸

Nga pikëpamja operacionale, “Grupi Tematik për Telekomunikacion dhe Broadband” nën KDS “Ndërlidhja” do të ndjekë procesin e vazhdueshëm të implementimit dhe arritjes së objektivave për zhvillimin broadband bazuar në Planin Kombëtar për Zhvillimin e Broadband-it, dhe do të shërbejë si njësi koordinuese e zbatimit për të gjitha aktivitetet përkatëse si dhe koordinimin e palëve të interesuara. Propozuar si një aktivitet kryesor për periudhën 2020-2025, dhe në përputhje me

²⁸Detyrat dhe roli kryesor i AKSHI-t përcaktohen në bazë të VKM Nr. 673, datë 22.11.2017 “Për Riorganizimin e Agjencisë Kombëtare të Shoqërisë së Informacionit”.

rekomandimet e BE-së, do të krijohen Zyrat Kompetente për Broadband-in për të mbështetur "Grupin Tematik për Telekomunikacion dhe Broadband", të cilat do të shërbejnë si pika të vetme kontakti për ekzekutimin e detyrave dhe projekteve konkrete.

Në aspektet e zhvillimit dhe në vecanti të nxitjes së kërkesës për broadband përmes rritjes së përdorimit të shërbimeve publike do koordinohet me AKSHI. Ministritë, agjencitë, departamentet dhe autoritetet e tjera përkatëse do të vazhdojnë me rolet e tyre, për atë kohë sa nuk kanë ndryshuar, për sa i përket zbatimit të detyrave dhe objektivave që u janë caktuar atyre në lidhje me zhvillimin e infrastrukturës broadband nën Planin Kombëtar për Zhvillimin e Broadband-it.

Ministritë dhe administratat publike lokale do të vazhdojnë të bashkëpunojnë me shoqërinë civile dhe sektorin privat. Çdo ministri, institucion dhe agjenci përkatëse do të raportojë periodikisht në Grupin Tematik për Telekomunikacion dhe Broadband në kuadër të implementimit të aktiviteteve të tyre.

Monitorimi dhe vlerësimi i progresit drejt arritjes së objektivave do të bazohet në raporte periodike dhe indikatorë kryesorë statistikorë të paraqitur nga të gjithë aktorët përkatës.

Indikatorët për monitorimin e zhvillimit të broadband në Shqipëri përfshijnë:

- ✓ Aksesin në rrjete/ shërbime broadband (numri i pajtimtarëve dhe përdoruesve, shkalla e penetrimit të broadband-it dhe shkalla e rritjes së penetrimit)
- ✓ Zona e mbulimit me broadband
- ✓ Konkurrenca (HHI në tregjet me pakicë dhe shumicë)
- ✓ Nivelet e çmimeve të shërbimeve broadband (tarifat për broadband fiks dhe mobile)
- ✓ Cilësia e shërbimeve broadband (numri i ankesave dhe vlerësimeve të klientëve)
- ✓ Numri i shërbimeve dhe aplikacioneve broadband dhe përdorimi i tyre (treguesit janë rritja e të dhënave të shkarkuara nga interneti, numri i shërbimeve dhe aplikacioneve në dispozicion, llojet e shkarkimeve)
- ✓ Përdorimi i broadband në edukim dhe fushën kërkimore (do të matet me përdorimin e broadband-it në shkolla dhe sektorët e formimit profesional).
- ✓ Përdorimi i broadband në shëndetësi (përdorimi i broadband-it nga praktikuesit, specialistët dhe spitalet).
- ✓ Përdorimi i broadband në ofrimin e shërbimeve qeveritare (do të matet nga përdorimi i broadband-it nga qeveria dhe aksesin e përdoruesve të institucioneve në faqet zyrtare të internetit).
- ✓ Përdorimi i broadband nga biznesi (nga numri i punonjësve që përdorin broadband-in)
- ✓ Përdorimi i broadband në komunitet (popullsia).

Kostot e implementimit

Studimi i Fizibilitetit nga WBIF do të detajojë kostot e implementimit të infrastrukturës broadband, siç detajohet në studim (të shtohet në Shtojcën 6, kur të jetë në dispozicion rezultati i studimit të WBIF).

Shtojcat

Shtojca 1. Lista me zhvillimet kryesore ligjore dhe rregullatore për broadbandin nga viti 2013

- “Plani për Shërbimin Universal në fushën e komunikimeve elektronike 2013-2016”²⁹ dhe Vendimi Nr. 12, datë 19.04.2017 që miraton dokumentin "Statusi i Shërbimit Universal të Komunikimeve Elektronike -2017"
- Vendimi i Këshillit të Ministrave Nr. 300, datë 8.4.2015 për disa ndryshime në planin kombëtar të broadbandit të miratuar në vitin 2013, që shërbeu për heqjen e kufizimeve teknologjike për përdorimin e frekuencave dhe nxiti lancimin e shërbimeve 4G.
- Alokimi i spektrit dhe dhënie e bandave të frekuencave 790-862 MHz për komunikimet mobile dhe disponibiliteti i bandës së frekuencave 694 - 790 MHz për komunikimet mobile deri në 2020.
- Vendimi i AKEP, Nr. 2648, datë 03.12.2015, i cili miraton zonat me densitet të ulët të popullsisë për t'i mbuluar ato me shërbime broadband dhe zonat për përmirësim të shërbimit.
- Një seri dokumentesh SMP si analiza e tregut LLU, aksesit broadband (bitstream) dhe linjat me qera.
- Rregullorja Nr. datë 10.09.2015, "Rregullat për përdorimin e përbashkët të faciliteteve dhe asetëve të rrjeteve të komunikimeve elektronike publike”.
- Rregullorja nr. 37 , datë 19.10.2015 "Mbi masat teknike dhe organizative për të garantuar sigurinë dhe integritetin e rrjeteve dhe/ose shërbimeve të komunikimeve elektronike” .
- VKM nr. 851, datë 7.12.2016, “Për kalimin e të dhënave mbi shtrirjen e rrjetit të infrastrukturës inxhinierike te Bashkitë”.
- Miratim Planit Kombëtar të Frekuencave me anë të VKM Nr. 277, datë 29.03.2017.
- Rregullore Nr.47 mbi Implementimin e Regjimit të Autorizimit të Përgjithshëm.
- VKM “Për miratimin e listës së infrastrukturës kritike të informacionit”, u miratua në vitin 2018 së bashku me legjislacionin dytësor të nevojshëm.
- Urdhri Nr.157,datë 22.10.2018 “Për marrjen e masave për zbatimin e qasjes së gjërë sektoriale/ndërsektoriale, si dhe ngritjen dhe funksionimin e mekanizmit sektorial/ ndërsektorial të integruar”;
- AKEP është koordinuar me rregullatorët në sektorin e energjisë elektrike për të marrë informacion mbi infrastrukturën e energjisë elektrike e cila mund të përdoret për broadband.
- AKEP është koordinuar me Ministrinë/Qeverinë, për të përgatitur aktet nënligjore në zbatim të Ligjit për promovimin e Broadbandit të shpejtë dhe ultra të shpejtë, për të lehtësuar procesin e dhënies së lejeve të ndërtimit për punimet civile.
- AKEP ka bashkëpunuar me autoritetet vendore për dhënien e lejeve për operatorët, për të zhvilluar infrastrukturën Broadband, veçanërisht në zonat e pambuluara me shërbime fiks dhe mobile (Plani i veprimit i AKEP 2019).
- MIE në bashkëpunim me ekspertë të jashtëm dhe palët e interesuara, ka hartuar një Udhërrëfyes dhe Strategji për 5G për Shqipërinë “Raporti i Ekspertit: Strategjia 5G për Shqipërinë – Udhërrëfyesi për gjeneratën 5G të komunikimeve mobile në Shqipëri”, Korrik 2019.

²⁹ Shiko: [AKEP Steering Board Decision No.2324, dated 28.06.2013](#)

Vështrim i përgjithshëm për Progresin, lidhur me objektivat e përgjithshëm dhe qëllimet e 2013-2020

Objektivat e Përgjithshme	Ralizimet	Mos Ralizimet	Qëllimet 2013-2020	Ralizimet	Mos Ralizimet
Përmirsimet dhe zhvillimi i mëtejshëm i Broadband	√		Dyfishimi i numrit të familjeve dhe kompanive të cilat kanë akses në broadband jo më vonë se 2017	√	
Rritja e penetrimit të Broadband	√		100% e shkollave me të paktën lidhje në internet broadband në çdo klasë		X
Siguron Internet me shpejtësi të lart dhe siguri në nivel lokale, rajonal dhe kombëtar, përfshirë zonat rurale dhe të largëta		X	100% e universiteteve me lidhje në internet broadband me shpejtësi të lart		X
Rritja e konkurrencës dhe çmime të ulta	√		100% e zyrave postare të ofrojnë të paktën një lidhje interneti broadband për qytetarët		X
Rritja e cilësisë së shërbimit	Pjesore		100% e qendrave shëndetësore dhe spitaleve me të paktë një lidhje interneti broadband		X
Zgjerimi i numrit të e-shërbimeve të disponueshme për shtetasit Shqiptarë dhe digjitalizimin e të gjitha shërbimeve	√		Lehtësimi aksesit për transmetimin me shpejtësi të lart, me të paktë 100 Mbps për 50% të familjeve dhe të paktë 30 Mbps për të gjithë Shqiptarët		X
Rritja e ndërgjegjësimit e shoqërisë, përfshirë njerzit me aftësi të kufizuara, lidhur me benefitet që dalin nga përdorimin i broadband	√				

Burimi: Nga analiza në kuadër të rishikimit të Planit Kombëtar të Broadband

Shtojca 2: Zhvillimet e fundit në BE në lidhje me Broadband dhe Shoqërinë Gigabit

Strategjia e Komisionit mbi Ndërlidhjen për një Shoqëri Gigabit Evropiane, miratuar në Shtator 2016, paraqet një vision të Europës ku disponueshmëria dhe marrja e rrjeteve me kapacitet shumë të lartë bën të mundur përdorimin gjerësisht të produkteve, shërbimeve dhe aplikacioneve në Tregun e Vetëm Digjital.

Ky vizion mbështetet në tre objektiva strategjik kryesor për 2025:

- Ndërlidhje Gigabit për gjithë drejtuesit kryesor social dhe ekonomik
- Mbulim 5G i pandërprerë për të gjitha zonat urbane dhe rrugët kryesore të transportit tokësor, dhe
- Akses në ndërlidhje me të paktën 100 Mbps për të gjithë familjet Evropiane.

Objektivat strategjikë konfirmojnë dhe janë ngritur mbi objektivat e mëparshëm për broadband të vitit 2020, të cilat përfshijnë qëllime për infranstrukturë dhe shërbime interneti me shpejtësi të lartë si më poshtë:

- Mbulimi me 30 Mbits ose më shumë për të gjithë në Vendet Anëtare të Bashkimit Evropian (BE);
- 50 përqind e familjeve të kenë abonimeme shpejtësi 100 Mbits ose më të lartë.
- Për më tepër, duhet që 5G të jetë e disponueshme në të paktën një qytet kryesor në secilin Vendet Anëtar deri më vitin 2020.

Komisioni ka ndërmarrë një seri iniciativash plotësuese për të ndihmuar në arritjen e këtyre objektivave: Kodi i Ri Evropian i Komunikimeve Elektronike, i propozuar nga Komisioni dhe dakordësuar nga Parlamenti Evropian e Këshilli në fund të vitit 2018, do t'i japi shtysë investimeve në rrjetet me kapacitet shumë të lartë në për BE, duke përfshirë zonat rurale dhe të largëta.

Veprimet e mëtejshme përfshijnë: një Plan Veprimi 5G; një iniciativ për të sjell akses pa pagesë në lidhjen WiFi (WiFi4EU) në zonat publike si parqet, bibliotekat dhe sheshet; Fondin Broadband për të lidhur Evropën që mbështet financimin e infrastrukturës së rrjetit broadband; Connecting Europe Facility (CEF) që nxit aplikimin dhe modernizimin e rrjeteve broadband. Digjital CEF, si pjesë e buxhetit 2021-2027 të BE, do duhet të financojë infrastrukturën strategjike të lidhjes digjitale me 3 miliard EURO dhe do të vendoset nga fundi i vitit 2019. Një iniciativë mbihartëzimit e të të dhënave broadband do të ofrojë një aplikacion online interaktiv për të vizualizuar disponueshmërinë broadband dhe cilësinë e shërbimit në shkallë Evropiane.

Rregullat e Komisionit për ndihmën shtetërore lejojnë përdorimin e fondeve publike për investime në rrjetet broadband kur këto investime sjellin përmirësim të konsiderueshëm të rrjeteve ekzistuese (siç quhet edhe “hapi i ndryshimit”).

Kuadri Financiar Shumëvjeçar (MFF) reflekton prioritetet e investimeve të Komisionit në infrastrukturën strategjike. MFF është rregulluar për vitin 2019 dhe është bërë një propozim buxheti afatgjatë dhe modern për vitin 2021-2027.

Burimi: <https://ec.europa.eu/digital-single-market/en/broadband-europe>

Shtojca 3: Modele të ndryshme të financimit të përdorur për Broadband

Modelet e financimit përcaktojnë sesi mund të financohet nga fondet publike dhe investimet private vendosja e rrjeteve broadband. Ndërhyrja shtetërore duhet të fokusohet në redukimin e kostove të investimeve dhe, kur është e nevojshme, duhet të sigurohen fonde publike brenda kornizës së politikave të strategjive kombëtare, duke siguruar që investimet private nuk zhvendosen.

Modelet e investimeve paraqesin mundësi përfshirjeje, veçanërisht të vlefshme për një autoritet publik që angazhohet në zhvillimin e broadband rajonal. Zgjedhja e një modeli bazohet në situatën ekonomike. Mund të identifikohen katër modele investimesh:

- **Modeli i rrjetit bashkiak drejtuar nga shteti (autoritetet publike) / Modeli i DBO-s publike:** Në këtë model, autoriteti publik ndërton një rrjet broadband në bashki, qark ose rajon (DBO i referohet modelimit, ndërtimit dhe operimit). Vendosja drejtohet dhe kontrollohet drejtpërdrejt nga autoriteti publik. Ky model është aplikuar me sukses në Argjentinë, projekti RAIN i Lituaniës dhe Katar, QNBN.
- **Modeli i rrjetit bashkiak drejtuar nga privati:** Në këtë model, autoriteti publik siguron ndërtimin dhe funksionimin e një rrjeti broadband në bashki, qark ose rajon nga një aktor privat (i referuar gjithashtu si modeli i dhënies së burimeve publike ose koncesion). Firma private e kontraktuar në përgjithësi ndërton një rrjet të hapur, të barabartë për të gjithë operatorët, mbi të cilin ofruesit e shërbimeve konkurruese mund të ofrojnë shërbimet e tyre për të gjithë përdoruesit fundorë. Autoriteti publik mban pronësinë e infrastrukturës pasive por kontrata e funksionimit me firmën e jashtme është tipike në formën e së drejtës së padepërtueshme të përdorimit (IRU) p.sh. për 20 vjet.
- **Modeli i projektimit, ndërtimit dhe operimit nga privati (DBO):** një organizatë e sektorit privat merr fonde publike (shpesh një grant) për ta ndihmuar atë në vendosjen e një rrjeti që ofron akses të hapur me shumicë. Sektori publik nuk ka asnjë rol në pronësinë ose drejtimin e rrjetit. Ky model është përdorur me sukses në Projektin e Broadband-it Rural të Republikës Dominikane, në Malajzi (NBI), në Projektin e Zhvillimit të Infrastrukturës TIK të Mongolisë në bashkëpunim me qeverinë e Mongolisë, qeverinë e Japonisë dhe Bankën Botërore, në programin USF të Broadband në Pakistanit, në Projektin e Shërbimit Universal të Arabisë Saudite dhe në lidhje me NGN BN të Singaporit.
- **Modeli nga poshtë-lart ose broadband i komunitetit lokal:** Në këtë model, investimi broadband kryhet si nismë private nga banorët lokalë (qasja nga poshtë-lart). Projekte të tilla në përgjithësi kanë qenë shumë të suksesshëm në drejtimin e nivelit të marrjes midis përdoruesve fundorë dhe në ndërtimin e rasteve të qëndrueshme financiarisht. Shkalla e konkurrencës ndryshon, midis projekteve që përdorin një model biznesi të rrjetit të hapur me nivele të mira të konkurrencës, ndaj të tjerëve që veprojnë si operatorë të integruar vertikalisht ose prokurojnë shërbime nga një operator për disa vite. Sektori publik nuk ka asnjë rol në zotërimin ose drejtimin e infrastrukturës, por ai mund të mbështesë bashkëfinancimin dhe dhënien e së drejtës së kalimit (RoW), rregullimin dhe koordinimin me zhvillimet e tjera të infrastrukturës dhe aksesin në infrastrukturën publike dhe “points of presence” për të siguruar lidhjet backhaul. Autoritetet publike gjithashtu mund të ndihmojnë në krijimin e kushteve të drejta për të gjithë operatorët që kërkojnë qasje në infrastrukturë. Shembuj të suksesshëm përfshijnë nisma private në Mbretërinë e Bashkuar, Finlandë (eRegio në Karelia Veriore), Suedi (Programi i Zhvillimit Rural) dhe në

Hollandë (projekti OnsNet në Nuenen).

- **Modeli i subvencionit të operatorit / financimi i hendekut:** Në këtë model, autoritetet publike nuk janë të përfshira drejtpërdrejtë në projektet e zhvillimit të broadband-it të rajonit, por subvencionojnë një aktor të tregut për të përmirësuar infrastrukturën e tij. Operatorët aktualë të telekomunikacionit dhe ofruesit e mëdhenj alternativë zakonisht zotërojnë infrastrukturën pasive, pajisje aktive dhe ofrojnë shërbimën një model të integruar vertikalisht tek përdoruesit fundorë. Autoriteti publik financon hendekun midis asaj që është komercialisht e zbatueshme dhe mbulimit që autoriteti publik synon të arrijë. Financimi ofrohet si një grant për një ose më shumë operatorë privatë. Ky model është zbatuar me sukses në Gjermani.

Janë një numër mjetesh dhe burimesh financimi për broadband-in, që përfshijnë Financimin e Shërbimeve Universale, Grantet Shtetërore, dhe fondet e jashtme. Veçanërisht në BE, ekzistojnë mjetet e mëposhtme të financimit në dispozicion për projektet e zhvillimit të broadband-it:

- **Financimi i bazuar në të ardhura:** investitori merr të ardhura nga qiraja në tregun me shumicë të dark fibre, shërbimet e transmetimit dhe qiraja e infrastrukturës në tregun me pakicë ose nga tarifat e lidhjes.
- **Kapitali privat dhe tregjet financiare:** fondeinvestimesh që sigurojnë financimin e kapitalit ose të borxhit, si dhe zgjidhjet hibride, p.sh financimi i ndërmjetëm.
- **Kredi dhe obligacione bankare të mbështetur nga qeveria,** të njohura gjithashtu si garanci.
- **Fondet Publike:** të disponueshme në nivelet e qeverisë lokale, rajonale dhe kombëtare (në këtë kontekst mund të zbatohen rregullat e ndihmës shtetërore).
- **Financimi publik në nivelin e BE-së** përmes Fondeve Evropiane Strukturore dhe të Investimeve (ESIF).
- **Financim i komunitetit nga poshtë-lart:** aksionet i shiten një kompanie komunitare, e cila, ose implementon dhe drejton vetë rrjetin, ose e kryen këtë përmes furnitorëve.

Shiko:ITU “Developing Successful Public-Private Partnerships To Foster Investment In Universal Broadband Networks” në https://www.itu.int/dms_pub/itu-d/opb/pref/D-PREF-THEM.17-2013-PDF-E.pdf , dhe EU <https://ec.europa.eu/digital-single-market/en/financing-broadband-project> , <https://ec.europa.eu/digital-single-market/en/investment-models>